

62 D. XII
28, 175/A 18/h

G 2 + 7 wanting

63.C.48

29753

Payne
12/7/0

J. Bonelli mon. reg. al: in Subalp. Lett. Pub.
T. R. R. S. S. Lang. de Capot. Loup
ass: Dr.

D. LAURENTII HEISTERI
ORATIO

D E

INCREMENTIS
ANATOMIÆ,

IN HOC SEculo XVIII.

PUBLICE DICTA

D. XVIII. JULII MDCCXX.

29792



3
LAURENTII HEISTERI

ORATIO INAUGURALIS

DE

INCREMENTIS
ANATOMIÆ

IN HOC SEculo XVIII.



Uodlibet licet ævum viros
aluerit egregios atque eru-
ditos, omnique tempore non
defuerint homines ingenio-
si, qui in scientiis artibus-
que liberalibus excellue-
rint, aliquodque fecerint

earum augmentum sive incrementum: duo
tamen secula ultima superiora, decimum
sextum scilicet atque decimum septimum,
in augmento atque emendatione scientia-
rum omnibus reliquis palmam præripui-
se, hæcque longe superasse, uno quasi ore
& haud sine ratione eruditi affirmant. Imo
ad tantum nonnullas scientias in his duo-
bus seculis perfectionis gradum evectas fuis-
se, ut ad summum fastigium eas pervenis-
se, jam centum abhinc annis crediderint
multi, nihilque vel parum a posteris adji-
ci emendarive posse, graves ob rationes exi-
stimaverint.

A 2 At

At, quamvis fatendum sit, eruditos duobus prædictis seculis multa eaque admiranda ac stupenda præstitisse, variasque scientias longe nobiliorem faciem induxisse, quam præcedentibus seculis habuerant: tantum tamen abest, ut ad perfectionem, vel ad summum fastigium eas deduxerint, aut aliis ultra progrediendi aliquidque inveniendi, vel addendi, vel emendandi occasionem præripuerint, quin potius seculum hoc novum, in quo nunc per Dei gratiam vivimus, quodque per paucos demum annos duravit, tanta tamque egregia jam quam plurimis in scientiis dedit incrementa, & tam multis nobilissimis superbit inventis atque emendationibus, ut antecessores nostri, si ex orco redirent, nostra tempora sint miraturi quam maxime; certumque esse credo, quod, si non palmam ceteris præripuerit omnibus, de ea tamen jure meritoque cum eis contendere posset.

Tempus jam non permittit, neque etiam nunc mei est constituti, ut hanc meam sententiam, omnibus in scientiis aut artibus, multis comprobem argumentis; illos enim, qui vel leviter tantum historiam litterariam seculi hujus decimi octavi cognoverunt, non latere potest, quot & quam egregia inventa hoc seculo primum in rebus physicis atque mathematicis, jam fuerint producta, ut certe multis possit esse dubium, an non exigua hæc pars seculi hujus incrementis harum scientiarum omnia præcedentia secula superaverit, aut certe minimum æquaverit. Fidem huic rei facile facere possunt acta

acta publica, quæ hoc seculo vel ab integris scientiarum Collegiis sive Academiis, ut a Cæsarea, Parisiensi, Londinensi, Berolinensi que edita; vel quæ ab diversis singulisque hinc inde personis publici juris facta, atque in variis eruditorum Diariis, maxime vero in Actis Eruditorum Lipsiensibus, Diario Parisiensi, aliisque similibus scriptis recensita sunt.

Si amœnissimam herbarum scientiam, suavissimas Floræ delicias, perlustramus, tantum novarum plantarum hoc præsens ævum detexit campum, (nihil enim jam de eleganti methodo dicam) tantamque earundem gratissimam varietatem, ut vir unus, *Tournefortium* intelligo, unico itinere in quasdam orientales regiones (taceo enim nunc quæ antea præstitit) tantum detexerit atque descriplerit numerum incognitarum stirpium, tantisque botanicis spoliis in Europam onustus redierit, ut nullus unquam ullo ævo Botanicus tantam novarum herbarum fecerit messem; mille enim & trecentas in Europa antea non visas plantas unica illa excursionē in Europam intulit (a)

Silentio jam premo, quid alii Galli, aliis in regionibus detexerint in re botanica, ut *Plumierius* novorum quoque inventorum botanicorum ditissimus, in regionibus America-

A 3 nis;

(a) Vide ejus *Institutiones rei herbariæ*, Parisiis 1700. edit. 4. Ejusd. *Corollarium institutionum rei herbariæ*, ibid. 1703. itemque iter ejus orientale, *Voyage au Levant*, Parisiis 4. 1717. Lugduni 8. & Amstel. 4. 1718. ideoque ter intra biennii spatium excursum.

6 *Heisteri Oratio de Incrementis*

nis (a); *Ligerus* (b), de la *Fenilée* (c), *Nizolius*, (d) *Chometius* (e), *Gæridelius* (f), *Jussieu* (g), *Lafitau*; (h) *Saracin* (i), *Barelherus* (K), *Vaillant* (l) aliique. Taceo, quid *Britanni* in re herbaria hoc seculo novi præstiterint, ut *Raius*

(a) Vid. *Ejus Nova Plantarum Americanarum Genera* 4. Paris. 1703. *Ejusdem tractatus de Filicibus Americanis* fol. 1705.

(b) *Le Jardinier Fleuriste* par Mr. *Lovis Liger*. 12. Amsterd. 1706.

(c) *Journal des Observations physiques, mathématiques & botaniques*, Paris. 1714.

(d) *Nova Genera plantarū cōstituit in Historia Acad. Reg. Scient. An. 1711.* & ob insignem ejus peritiam in re Botanica *Tournefortius* plantæ quidā *Nissolia* nomen imposuit, in *Institut. Rei herbar.*

(e) *Abregé de l'Histoire des Plantes usuelles*, à Paris 1712. 8.

(f) *L'Histoire des Plantes, qui naissent aux Environs d'Aix.* fol. à Aix 1715.

(g) *Successor Tournefortii* in horto Regio Parisino edidit *Barelheri* Plantas, de quibus infra: & nuper *Appendicem ad Corollarium Tournefortii*. 4. Paris. 1719.

(h) De *Planta Ninsin* epistolam edidit. *Memoire concernant la pretieuse plante du Gin-seng* per le Pere *Lafitau* Paris. 1718. 12.

(i) *Botanicus est Regius in insulis Americanis*, unde sæpe novas plantas misit in Europam.

(k) *Barelherii* Plantæ per Galliam, Hispaniam & Italiam observatæ, Paris. fol. 1714.

(l) *Etablissement d'un nouveau Genre de Plante*, nomme *Araliastrum*, Hanover. 4. 1718. item, *Discours sur la structure des fleurs, leur difference & l'usage de leurs parties*, & l'établissement de trois nouveaux genres des Plantes, l'*Araliastrum*, la *Sherardia*, la *Boerhavia* &c. par Mr. *Vaillant* à Paris. 1718, 4.

ius (a), *Stoane* (b), *Sherardus* (c), *Pettiverus* (d), *Blair* (e), & alii. Omittam jam Italos, *Marsiglium* (f), *Vallisnerium* (g), *Pontederam* (b), [qui solum patrio in solo fere trecentas antea non observatas plantas notavit, easque a se primum descriptas esse affirmat], *Montum*, qui *Catalogum Stirpium agri Bononiensis*

A 4 edi-

(a) Novam edidit Plantarum methodum 8. Londini 1703. & Tomum tertium Historiæ Plantarum, Londini fol. 1704.

(b) Iter Jamaicense Anglice edidit fol. Londini 1707. cum multis figuris.

(c) Botanicus insignis, qui per plures annos Gentis Britannicæ Consul fuit Smirnæ, unde multas plantas & semina in Europam misit, atq; occupatus esse dicitur in Bauhini Pinace augendo.

(d) Varia scripta botanica edidit, Londini varia forma. variis annis.

(e) *Botanick Essays in two Parts: The first containing the Structure of the Flower, and the Fru-ctification of the Plants, vvith their various distributions into Method: And the second the Generation of Plants, vvith their Sexes, and Manner of impregnating the Seed, also concerning the Animalcula in semine masculino. Together vvith the Nourishment of Plants and Circulation of the Sap in all Seasons analogous to that of the Blood in Animals; vvith many curious Remarcks, and severail discoveries and improvements. Adorned vvith Figures.* By *Patrick Blair* M.D. *Fellouvv* of the Royal Society. London 1720. 8.

(f) *Dissertationem de fungorum generatione* edidit Romæ 1714. fol.

(g) *Scripsit quoq; de fūgorū generatione, de semine lenticulæ palustris, granis Chermes &c.* Pat. 1715. 4

(h) *Compendium Tabularum Botanicarum* 4. Patavii 1718. Ejusd. *Anthologia sive de floribus natura libri tres, plurimis inventis, observationibusque ac æreis tabulis ornati &c.* 4. Patav. 1720.

edidit (a) alioſq; Nil dicam de Belgis atque Germanis, qui haud minus reliquis de re herbaria hoc ſeculo bene meriti ſunt : ut de *Hermanno* (b), *Cōmelino* (c), *Rivino* (d), *VolKameris* [e], *Boerhavio* [f], *Kampfero* [g], *Lochneris*, [b] *Hoffmāno* [i], *Johrenio* [K], *Ruppio* [l], *Dillenio* [m], *Güdelſheimero* [n], *Scheuchzero* [o], *Camel-*

(a) Bonon. 1719. 4.

(b) Cujus *Paradiſus Batavus* 1705. 4. Lugduni Batavorum prodiit.

(c) Qui *Præludia Botanica* A. 1703. & *Horti Amſtelodamenſis Plantas rariores* 1706. edidit. Lugdun. Batavorum. 4.

(d) *Introductionem in rem herbariam iterato hoc ſeculo edidit*, 12. Lipſiæ: præter ea, quæ antea publicavit.

(e) *Flora Norimbergensis* 4. 1700. Item *Hesperides Norimbergenses* fol. Germanice, & poſtea Latine 1713.

(f) Qui bis jam intra decennium catalogum *Horti Lugduno Batavi* edidit.

(g) In amœnitatibus exoticis multa botanica exhibuit. 4. Lemgovia 1712.

(h) Ediderunt Norimbergæ Muſeū *Beslerianū* cū notis, f. 1716. *Tractatū de Ananafa* fol. 1715. *Nerio* 4. 1716. *Papavere* 4. 1713. *Paraira brava* 4. &c.

(i) *Appendicem* edidit *Plantarum Horti Altorfini*. 4. Altorf. 1703.

(k) *Hodegus Botanicus ſecundum methodum Tournefortii*. 8.

(l) Conſcripſit *Floram Jenenſem* 8. Jen. 1718.

(m) Deſcripſit *Plantas circa Gieſſam naſcentes*. 1719. Gieſſæ 8.

(n) Comes fuit *Tournefortii* in itinere orientali, botanices peritiſſimus.

(o) Edidit *Prodromum Graminum Helvetiæ in folio*, Tiguri 1708. *Agroſtographiam ſive Graminum Hiſtoriam*, Tiguri 4. 1719. *Methodum Graminum & Juncorum* 8. ibid. 1719.

mello [a], *Helvvingio* [b], *Valentinis* [c],
Knauto [d], & aliis.

Prætermittam nunc quoque enarrare ,
quid seculum hoc novum *in rebus Chemicis*
detexerit , quæ præteritis erant incognita ;
hora enim hæc , sermoni huic destinata ,
imo dies non sufficeret eis omnibus recen-
sendis: qui enim scripta publica Eruditorum
philosophica , physica & medica , Italo-
rum , Britannorum , Germanorum , Gal-
lorumque hoc seculo editorum evolvat , ac-
cessionem novorum in hac arte inventorum
factam esse locupletissimam , facile depre-
hendet , agnoscetque .

Quid utilissimæ *arti Chirurgica* incremen-
ti præsens nobilissimum attulerit seculum ,
nunc non attingam , quia in syntagmate
meo Chirurgico , superiori anno Germani-
ce a me evulgato , si non omnia , præcipua
tamen inventa describere atque docere an-
nisus sum , unde sciendi cupidi ea depromere possunt .

Nihil quoque jam de aliis artibus aut
scien-

(a) Ejus historia Stirpium Insulæ Luzonis
aliarumque Philippinarum extat in Raji histor.
Plantarum Tom. III. Continetur etiam Epistola
ejus de Faba Sancti Ignatii , in Actis Anglicanis.

(b) Georg. Andreæ *Helvvingii* Enumeratio
aliquot Plantarum indigenarum in Prussia , qua-
rum nulla in herbariis hæctenus facta est mentio .
Gedani 4. 1712. cum fig. item de Pullatilla Lipsiæ
1720. 4. cum figur. XIV.

(c) Parens Musæum Musæorum , Filius vero
Tournefortium contractum sub forma tabularum
edidit Francof. 1715. fol.

(d) Christiani *Knaut* Methodus Plantarum
genuina . 8. Lipsiæ. 1716.

scientiis, quid hoc seculo profecerint, sum dicturus: verum, quoniam pro more *almae hujus Academiae Juliae*, in qua nunc, a POTENTISSIMIS SERENISSIMISQUE ejus NUTRITORIBUS vocatus, iussuq; *Anatomes, Chirurgiae atq; Physiologiae* Professionem ordinariam nunc suscipio, solenne auspiciū oratione quadam fieri solet; hoc solum nunc agam, ut, omissis aliis disciplinis aut scientiis, nunc tantum de *Incrementis Artis Anatomicae*, quæ præsentī hoc seculo fecerit, disseram: quem sermonem, ut benevolis auribus percipere velitis, est, quod nunc, Auditores optimi, omni, qua par est, observantia atque humanitate rogo atque contendo.

Vigésimus tantum est annus hujus seculi, in quo nunc vivimus; ideoque pars solum quīnta, hoc est perquam exigua unius seculi; *Anatome* tamen tanta in tam exiguo temporis spatio fecit incrementa, ut omnes certe, qui rem æquo animo perpendent, ea miraturi sint. Imo Medici, qui superioribus duobus seculis vixerunt, quorumque non pauci *Anatomen* jam tunc ad summum fastigium pervenisse, ultimumque complementum ei additum esse, opinati sunt, (a) si reviviscere, superasque redire possent ad auras, vix credituri essent, tam multa tamque stupenda adhuc, & quidem in tam brevi temporis spatio præstari detegique potuisse in scientia *Anatomica*.

Verum non uno nomine profecit *Ars hæc nobilissima*, sed vario. Primo enim multa omnino nova, præcedentibusque seculis non ob-

(a) Cognosci hoc potest ex Institutionibus anatomicis *Casparis Bartholini*, quæ cum præfatione *Thomæ Bartholini* Ann. 1640. prodit, aliisq;

observata, detecta sunt; multa deinde veterum inventa ad majorem perfectionem redacta, accuratiusque vel descripta, vel elegantius aut melius delineata atque figuris expressa sunt. In quibusdam partibus melior usus est inventus physiologicus; in aliis melior pathologicus aut practicus erutus est. Denique etiam *Scripta Anatomica* (unde incrementa optime perspicui possunt) & nova & emendatiora quam plurima hoc prodire seculo: dum tot viri præstantissimi variis in regionibus Europæ; variis linguis, Latina, Gallica, Italica, Anglica, Belgica atque Germanica, omni conatu Anatomem ad summam, qua fieri potest, perfectionem, certatim redigere allaborarunt, suasque novas observationes, emendationes & inventa cum publico communicarunt, ut inde perquam magna scriptorum anatomicorum enata sit copia: quæ propterea scripta, quacunque lingua edita, præsertim quia multa eorum hic rara sunt, multisque adhuc incognita, cum rebus præcipuis, quas Auctores eorum præstiterunt, jam breviter enarrabo: dies enim non sufficeret, nedum horula hæc si omnia prolixè aut ex merito recensere mihi sumerem.

Ut vero ordinem aliquem dicendi servem, Scriptores eos, qui hoc seculum Scriptis suis Anatomicis exornarunt, illustraruntque, juxta annorum seriem nunc proferam, sine dignitatis aut præstantiæ respectu, sed prout mihi in mentem venient: adeoque ab iis dicendi exordium faciam, qui scripta sua anno post reparationem salutis *millesimo septingentesimo* ediderunt, postea ad reliquos progrediar.

Inter

Scripta Inter hos autem primo loco mihi nominandus celeberrimus *Fridericus RUYSCHIUS*, Professor Amstelodamensis, Præceptor quondam noster omni adhuc honoris cultu prosequendus; qui hoc anno continuavit *Epistolas suas anatomicas*, quas antea jam inceperat, & speciatim hoc anno eam edidit, *quæ de oculorum tunicis agit*: in qua, præter alia curiola, mirabilem vasorum subtilissimorum per tunicas oculi, præsertim *choroidæam & uvæam* sive iridem distributionem, antea adhuc incognitam primus descripsit & delineavit; quam deinde adhuc aliæ similes epistolæ secutæ sunt [a].

Cyprianus. Huic mox subjungimus *Abrahami CYPRIANI*, quoque Amstelodamensis, Epistolam, ad Ampliss. virum *Thomam Milington*, Divi *GUILIELMI*, Magnæ olim *Britanniæ Regis*, Archiatrum: [b] in qua quidem præcipue describit mirabilem *historiam fœtus humani*, post XXI. menses ex ventre matris & uteri tuba, matre salva ac superstite, excisi; attamen eadem in epistola *observationes quoque varias anatomicas*, ad uterum, tubas uteri, placentam, conceptionem & nutritionem fœtus attinentes, describit.

Porro eodem anno a *Bartoldo KRUGERO*, Medico Brunsvicensi, editus est *Anatomicus curiosus Θεοδίδουτος* hoc est, ut Auctor titulum hunc ipse exponit, *methodus sciendi*

(a) Amstelodami 4.

(b) *Abrahami Cypriani* Epistola, historiam exhibens fœtus humani post XXI. menses ex uteri tuba salva matre excisi, &c. Lugd. Batav. 1700.

secandi cadavera Hippocratica, Democritea;
[a] quo in libello potissimum id intendit
Krugerus, ut methodum & ordinem cada-
vera secandi, sive administrationes anato-
micas edoceat.

Jo. Conradus AMMANNUS, vir doctis-
simus, Helvetius quidem natione, sed Am-
stelodami praxin Medicam exercens, atque
ob artificium, quo ab *incunabulis surdos &*
mutos legere ac loqui docet, celeberrimus,
hoc etiam anno edidit libellum, quo artifi-
cium illud describit. [b]. Ediderat quidem
jam antea hunc tractatum lingua Belgica,
sub inscriptione, *Surdus loquens*: verum in
hac nova editione non solum omnia longe
accuratius tradidit, sed & *organa loquela*,
laryngem, linguam, nares, palatum, uvu-
lam, dentes, labra &c. & quaecunque ad lo-
quclam faciunt, multo intimius, quam an-
tea fecerat, pervestigavit, ususque eorum
perspicacius exposuit.

Ibidem etiam eo tempore Jo. Jac. RAVI, Ravi-
Germani, tunc Medici & Chirurgi Amste-
lodamensis, postea Anatomes ac Chirurgiæ
Professoris Lugduni Batavorum, Respon-
sio, ad *Frederici Ruyschii* defensionem *de se-
pto scrati*, lucem aspexit; in quo schedias-
mate

[a] Brunopoli in 4. 1700.

[b] Titulus est, *Dissertatio de loquela*; qua
non solum vox humana & loquendi artificium
ex originibus suis eruuntur, sed & traduntur me-
dia, quibus ii, qui ab *incunabulis surdi & muti*
fuerunt, loquelam adipisci, quique difficulter lo-
quuntur, vitia sua emendare possint, Aucto-
re Jo. Conrado Ammanno, Med. D. Amstelod.
1700. 8.

mate septum hoc ita dividi posse ostendit, ut duos quasi loculos, singulum pro quovis testiculo involvendo, constituat (a).

Meryus.

Hoc ipso anno in Gallia *MERYUS*, Chirurgus celebris Parisiensis, & Academiae scientiarum socius, imprimi curavit libellum, sermone Gallico: in quo non solum *singularem novamque methodum secandi calculum*, a Monacho quodam Gallo, qui *Frere Jacques*, sive *Frater Jacobus* dictus est, inventam, descripsit, historiamque addidit dissectionum cadaverum illorum, cum quæ ex rudi sectione hujus Monachi interierant, tum illius, in quo primum cum applausu operationem ejus novam instituerat: ex quibus ii, qui lithotomiæ operam dant, multum lucis atque emolumenti petere possunt; verum in eodem libello *Meryus* etiam sententiam suam novam de *foraminis, ovalis* dicti, usu; inter auriculas cordis, in fœtu recens nato conspici, exponit, controversias circa illud inter Anatomicos varios celebres enatas exhibet, atque hypothesin suam, *quasi sanguis in fœtu, quamdiu in utero continetur, ex sinistra in dextram auriculam fueret*, sicuti hoc fieri in testudine ostendit, contra reliquorum Anatomicorum sententiam multis rationibus defendere, figurisque variis illustrare al- laborabat (b).

Illo

(a) Titulus est, *Jo Jac. Rau* Responsio ad qualicunque defensionem *Ruysschii*. 4. Amstelodami. 1700.

[b] Titulus est, *Observations sur la maniere de tailler dans les deux sexes pour l'extraction de la pierre, pratique par Frere Jacques*. Item, *nouveau systeme de la circulation du sang par le trou ovale dans le fœtus humain*. &c. Paris 12.

Illo ipso tempore unus ex adversariis
Meryi, cui *TAUVRY* nomen, ejusdem Aca-
demix Parisiensis, dum viveret, socius, & Tauvry.
per alia scripta Anatomica jam antea no-
tus, in publicum emisit tractatum Galli-
cum, *De Generatione & nutritione fœtus* ;
in quo omnes partes, usibus his destinatas,
magna diligentia descripsit, quæstiones
difficiliores physiologicas circa has partes
ingeniose exagitavit, erroresque multorum
Anatomicorum excutiendos sibi proposuit.
Quamobrem multa animalia se dissecuisse
affirmat, variorumque differentias, antea
nondum descriptas, tradit, ut sic ex com-
paratione animalium cum homine in veri-
tatem detur via tanto facilior. Addidit in
fine responsionem ad sententiam *Meryi* de
usu foraminis ovalis in fœtu, receptam-
que vulgarem sententiam contra *Meryum*
multis argumentis tuetur (a).

In Italia *Alexander PASCOLI* lingua Pascoli.
Italica Anatomem corporis humani edidit,
(b) ubi breve anatomes systema conter-
raneis suis, linguæ latinæ ignaris, exhi-
bere voluit.

Denique inter Scriptores, qui rem Anato- Paschius.
micam primo hujus sæculi anno illustrarunt,
præterire silentio non possum *Georgium P.A-*
SCHIUM, Professore & Philosophum A-
cademix Kiliensis in Cimbria: qui, licet ne-
que Medicus neque anatomicus fuerit, ta-
men

(a) Inscriptio libri est, *Traité de la genera-
tion & de la nourriture du fœtus*, par M. Da-
niel Tauvry, à Paris. 12. 1700.

(b) Il Corpo Umano di Alessandro Pascoli.
4: Perusia.

men huc a me refertur, quia hoc anno iterum librum suum edidit *de Novis Inventis*, quorum accuratiori cultui facem prætulit antiquitas (a), eumque quarta parte auctiorem reddidit. In hoc enim tractatu (præter ea, quæ de aliis inventis scitu digna habet) perquam multa *de inventis Anatomicis* verisque rerum anatomicarum inventoribus curiosa reperiuntur, quæ non solum tyronibus, sed & ipsis artis hujus divinæ magistris usui esse possunt.

Tyson.

Tandem etiam huc referenda venit *Eduardi TYSONIS* elegantissima *Pigmei anatome*, Anglice conscripta: quæ, licet jam anno 1699. prodierit, tamen hoc demum anno ex Anglia in alias regiones & præsertim in Germaniam nostram illata, atque in *Actis Erudit.* Lipsiens. recensita est (b). Perquam curiosa, non modo ad Anatomem, sed etiam ad rem antiquariam *de Pigmeis* illustrandam, in hoc libro continentur, figurisque nitidissimis exornatur.

Anno
1701.
Ruy-
schius.

Inter Scriptores vero Anatomicos, qui anno 1701. in incrementum rei Anatomicæ aliquid contulerunt, primum locum jure rursus meretur venerandus ille senex, octogenario quidem jam longe major, verum in experimentis anatomicis institutendis, incognitis detegendis, novisque scriptis edendis adhuc hodie indefessus, Celeberrimus

(a) *Georgii Paschii* *Inventa nov-antiqua*, sive de novis inventis, quorum accuratiori cultui facem prætulit antiquitas, &c. 4. Lips. 1700.

(b) *The Anatomy. of a Pygmy*, compared vvith that of a Monkey, an Ape, and a Man. London. 4. 1699.

rimus nempe *RUYSCHIIUS*, jam fere per annos sexaginta Anatomiae Professor: qui hoc seculum [taceo enim scripta, quæ præcedenti seculo in lucem emisit] *Thesauris suis Anatomicis* decem, diversis annis editis (a), exornare cœpit, quorum primus hoc anno prodiit, & ultimus, sive decimus, anno 1716. qui vero *Thesauri* omnes, ob rara in plerisque corporis partibus inventa, [quæ hic recensere tempus ob copiam non permittit] figuras pulcherrimas atque præparationes curiosissimas, vere *Thesauri anatomici* appellari possunt.

Deinde *Jo. Gotthofredus BERGERUS*, Pro- Bergerus.
fessor Vitebergensis & Archiater Regis Poloniarum, hoc anno edidit *Physiologiam suam Medicam*: in qua fabricam & usum corporis humani accurate perquisivit, experimenta Anatomica nova, a se aliisque instituta, non pauca recensuit, iisque res multas dubias & intricatas docte illustravit. [b]

Porro *Antonii PACCHIONI* Epistola de Pacchionus
novis, circa *solidorum & fluidorum vim in viventibus, ac duræ menyngis structuram & usum*, observationibus, hoc anno etiam prodiit; (c) & postea ejusdem disquisitio Anatomica de *duræ menyngis fabrica & usu*: [d] in quibus duræ matris structuram & actionem

B mus-

(a) Amstelodami 4.

(b) Impressa est Vitebergæ, non, ut titulus fert, An. 1702. verum 1701. prout præfatio & Acta Eruditor. Lipsiensia docent: ubi jam anno 1701. pag. 492. ejus contenta recensentur.

(c) In Actis Eruditor. Lipsiens. 1701. p. 415.

(d) Romæ 8.

musculosam proponit, eique magnas & admirandas vires tribuit.

Guiliel-
mini.

Alius Italus, *Dominicus* scilicet, *GUILLIELMINI*, *Exercitationem* edidit de *Sanguinis Natura*: in qua, non solum sanguinis constitutionem ejusque motum per arterias & venas sed & functiones arteriarum & auricularum cordis ex structura earum mechanica eleganter exponit (a)

Hamelius.

Eodem anno Jo. Baptista *HAMELIUS* Parisiis latine evulgavit alteram editionem *Historiæ Academiæ Regiæ Parisiensis*, prior longe auctiorem: atque in ea compendium retulit illius, quicquid Academia hæc, ab initio foundationis suæ usque ad annum 1700. notatu maxime dignum, in omnibus scientiis, quibus operam dat, præstitit, & inter has etiam maxime *anatomicas* sociorum huius Academiæ *observationes* & inventa descripsit (b).

Casp.
Bartho-
linus.

Casparus BARTHOLINUS, *Thomæ filius*, edidit hoc anno Hafniæ *Specimen Historiæ anatomicæ* partium corporis humani, novis observationibus variisque figuris illustratum: quod eodem anno Amstelodami recutum est [c]. Exhibentur in hoc libro varia, quæ apud alios non occurrunt.

Deventer.

Henricus a DEVENTER publicavit novum *lumen obstetricantium*, sive artem obstetricandi; in quo Autor varias observationes ana-

(a) Venetiis 8. & postea recusa est Ultrajecti 1704. 8.

(b) *Historia Regiæ Scientiarum Academiæ* Autore Jo. Bapt. du Hamel. 4. Parisiis 1701.

(c) in 4.

anatomicas notabiles describit, multasque novas de utero, ipsius statu in gravidis, *placenta uterina* & *ossibus uterum ambientibus*, figuras sistit, quæ non parum lucis præbere possunt iis, qui hanc artem addiscere atque exercere recte cupiunt (a)

Berenger

BERENGER, Gallus, tractatus sui Gallici de *herniis* earumque curatione alteram editionem hoc anno emisit: in qua non solum *partium earum*, in quibus *herniæ* contingunt, satis accuratam descriptionem, verum & figuras aliquot exhibet anatomicas, horum morborum naturam egregie illustrantes (b).

Francisci quoque BAYLE Opuscula [c] Bayle: continent varia scripta anatomici argumenti: ut dissertationem de *causis fluxus menstrui*, de *sympathia variarum partium cum utero*, & *historiam anatomicam graviditatis* 25. annorum: ideoque nec hic a nobis omittenda.

Jo. Wolfgangus PREYSEUS, Medicus Preyser & Professor Viennensis, in manus hominum rursus dedit libellum, quem inscripsit, *Oeconomia corporis animalis*, explicans actiones & usus partium corporis humani per principia, ut Autor ipse scribit, *peripatetico-Mechanica*, experimentis practicis, anatomicis & chemicis roborata [d].

B 2 De

(a) *Henr. a Derenter* Operationes chirurgicæ, quibus manifestatur artis obstetricandi novum lumen 4. Lugd. Batav. 1701. Deinde Germanica lingua Jenæ iterato impressus est. 8.

(b) *Traite nouveau des descentes*, par *Berenger* 8. à Paris. 1701.

(c) Quæ Tolosæ prodierunt 4. 1701.

(d) Viennæ Austriae. 12.

Valentini. Denique hoc anno *Michael. Bernbardus VALENTINI* *Pandectæ Mediro-Legales*, si-
ve *Responsa Medico-forensia* prodierunt,
in quibus res argumenti anatomici quam-
plurimæ pertractantur (a)

Anno 1702. Keilius. Anno 1702. inclaruit *Jacobus KEILIUS*,
Anglus, qui sermone Anglicano *Anato-
men corporis humani* perquam concinnam &
brevem, attamen perquam utilem & egre-
giam edidit: quæ ab eo tempore minimum
lexies recusa est (b):

Covvperus. Eodem anno *Celebris Anatomicus An-
glus, Guilielmus COVUPERUS*, novam
edidit *glandularum circa urethram virilem*
ab ipso detectarum descriptionem, quam
figuris novis iisque elegantibus exorna-
vit (c).

Pechlinus. Hoc etiam anno *Jo. Nicolai PECHLINI*,
Professoris Kiloniensis, exercitatio docta de
Purgantibus recusa est [d]: in qua multa
anatomica de *ventriculo, intestinis, hepate*
& *pancreate* occurrunt.

Lanzonus. *Josephus LANZONUS*, Ferrariensis, de *sa-
liva humana* Exercitationem Medico-Ana-
tomicam conscripsit: in qua ductuum glan-
dularumque salivalium naturam sedulo ex-
ponendam sibi sumisit [e].

Baglivius. Eodem etiam anno *Georg. BAGLIVIVS*
specimen suum edidit de *fibra motrice & mor-*
bo-

(a) Francof. ad Moenum. 4.

(b) Titulus est, *The Anatomy of the human
Body* adridg'd, London. 12.

(c) Londini. 4.

(d) Amstelodami. 8.

(e) Impressus est hic liber Ferrariæ. 8. 1702.

bosa (a) in quo maxime vim solidarum partium in fluidas & præsertim etiam cum *Pachione* vim duræ matris contractilem examinât, atque inde deducere conatur; in morborum curationibus ad solida, eorumque elaterem & vim in fluida magis, quam hætenus factum est, a Medicis respiciendum esse: qui liber postea sæpius variis in locis recusus est.

Hoc ipso anno Gallus, nomine *BESSE*, Medicinæ Doctor, *tractatum* edidit *anatomicum*, in duos tomos distributum, in quo structuram, actionem & usum partium corporis humani Gallico idiomate satis fuisse descripsit; qui vero liber in Germania hætenus perquam rarus fuit (b).

Alius Gallus, cui nomen *SAVIARD*, Chirurgus Parisiensis quondam celebris, librum sub titulo *fasciculi observationum Chirurgicarum* conscripsit: in quo vero non paucae simul continentur dissectiones atque observationes Anatomicæ (c).

In Flandria *Joannes PLAFINUS*, Chirurgus & Anatomicus Gandavensis, lingua Belgica *descriptionem ossium*, sive *Osteologiam* edidit perquam egregiam; in qua accuratius,

B 3 quam

(a) Romæ 1702. & postea Ultrajecti 1703. ac Basileæ 1703: 8. aliisque in locis.

(b) *Titulus est*: Recherche analytique de la structure des parties du corps humain, ou l'on explique leur ressort, leur usage, par M. Besse, Docteur en Médecine. 8. à Toulouse.

(c) Nouveau recueil d'Observations Chirurgicales, faites par M. Saviard, Ancien Maître Chirurgien de l'Hôtel Dieu & Jure à Paris 8. 1702.

quam antea factum est, universa Ossium doctrina, una cum eorundem morbis, horumque curatione exhibetur (a).

His denique adhuc addimus *Nicolai VENETTE*, Medici & Professoris quondam Rupellensis, tractatum Gallicum de *generatione hominis*: qui, licet sæpius jam antea fuerit impressus, tamen hoc anno, ut titulus fert, auctior atque correctior prodit, (b) cum figuris partium genitalium structuram & generationis negotium illustrantibus. Optandum vero esset, ut paullo castius scripsisset.

An. 1703.

Broen.

Annus MDCCIII multa quoque nobis suppeditavit scripta, rem anatomicam illustrantia; & primo quidem hic nominamus *Joannis BROEN Opera Medica* [c]: ex quibus potissimum huc pertinet ejus *Oeconomia animalis*, in qua variae observationes anatomicae continentur; ut ea de *venis cordis*, in auriculas se exonerantibus, aliæque.

Longe vero magis rem anatomicam hoc anno exornavit *Joannes Mauricius HOFFMANNUS*, Collega quondam noster in Academia Altorfina conjunctissimus, Consiliarius vero hodie & Archiater primarius Serenissimi Principis Brandenburgico-Onoldini in libro suo, quem *Idea Machinae humanæ* inscri-

(a) Inscriptio ita se habet, *VVaere en zeer Naavvkeurige Beschryving der Beenderen van's menschen Lichaem &c. door Jan Palsijn Anatomicus &c. Gedrukt tot Gendt. 8. 1702.*

(b) Titulus libri est, *de la generation de l'Homme ou le Tableau de l'amour conjugal*, par *Nicolas Venette* 12. à Cologne 1702.

(c) Roterodami. 4.

scripsit; in quo omnia, quæ ad illud tempus ipsi innotuerant, inventa anatomica, una cū diversis suis observationibus exhibuit (a)

In Gallia *Josephus CHARRIERE* edidit lingua Gallica *Anatomen Capitis humani* (b) Charriere. non contemnendam; promittens simul reli-
quarum partium anatomen in posterum edendam; quod vero, quantum ego saltem scio, hucusque nondum præstitit.

Eodem anno Parisiis quoque prodiit liber Anonymi, Gallico sermone, qui inscribitur, *Ars conficiendi relationes Chirurgicas*: Anonymus. [c] in qua vero multæ cadaverum incisio-
nes atque observationes anatomicæ continentur.

In Anglia hoc anno nobis dedit *Thomas GIBSONS* lingua Anglicana integram *Anatomen corporis humani*, quæ interea ad annum 1716. septies recula est (d). Gibsons.

Deinde *RIDLEIUS*, qui jam antea ob eruditum de cerebro tractatum, Anglice conscriptum, clarus erat, *observationes* lingua latina edidit, quas *Medico-Præcticas & Physiologicas* appellat [e]: quibus vero multas annectit anatomicas curiosas, & simul, occasione illius controversiæ, in Gallia natæ, inter *Meryum* & alios, de *foraminis ovalis usu in fœtu*, dissertationem de *structura vasorum cordis in embryone*, & sanguinis juxta eum circuitu, quam novis figuris simul illustravit, adjecit.

B 4 Præ-

(a) Altorfii. 4.

(b) Anatomie de la Tete de l'homme 8. Paris

(c) l'Art de faire les rapports en Chirurgie. 8. 1703

(d) The Anatomy of humane Bodies. 8. Lōdō.

(e) Londini. 8.

Freind.

Præterea *Joh. FREIND*, quoque Anglus, emisit *Emmenologiam* doctissimam, in qua simul uteri ejusque vaginæ structuram accurate considerat, atque inde fluxus mēstrui naturæ ratiociniis Geometricis exponere satagit [a].

Palfy.
nus.

In Belgio prælaudatus *PALFYNUS* hoc anno idiomate Belgico edidit *Historiam curiosam anatomicam duorum infantum modo monstroso concretorum*. Quibus etiam in fine, occasione modo nominatæ de *foramine ovali* controversiæ, adjunxit descriptionem peculiarem illarum viarum, quæ in fœtu reperiuntur, per quas sanguis alium servat circuitum quam in adultis: quæ omnia novis & nitidis figuris illustravit [b].

An. 1704.

Spenerus.

Scriptores, qui Anno 1704. inclaruerunt, sunt *Christianus Maximilianus SPENERUS*, qui *Joannis Brovvne Myographiam*, quæ aliquoties antea in Anglia & Hollandia recusa est, ex Anglico in Germanicum vertit, notisque variis atque additamentis auctam edidit (c).

Schel-
hamme-
rus.

Guntherus Christophorus SCHELHAMMERUS, Medicus & Professor quondam Academici hujus Julix, postea Jenensis; ac denique Kiloniensis, perquam celebris, edidit *Analecta Anatomico physiologica*, brevibus thesibus comprehenta: (d) in quibus proprias ob-

iër.

(a) Londini 8. Recusa postea in Hollandia forma paullo minore.

(b) *Anatomycke of ontleedkundige Beschryving, rakende de vvonderbare gesteltnis van tv vee Kinderen, de welke monstrueuselyk aen mal'kander vereenigt zyn &c.* 8. Te Gendt 1703.

(c) Fol. Berolin 1704.

(d) Kilix 4. 1704.

servationes & sententias Anatomicas atque physiologicas circa res, ubi incisione cada-
verum vel singulare quid se observasse, vel scriptores Anatomicos aut physiologicos errasse credidit, publico eruditorum iudicio exposuit, erroresque illorum indicare atque emendare studuit: inprimis vero acerbis, imo sæpe plusquam acerbis animadversiones in *Verbeyeni* Anatomen, *VWillisium*, *Nuckium*, *Garvettum*, *Tournefortium*, *Higb-morum*, *Vieusseninum*, *Leuvenboeckium*, *Bel-linum* &c. exhibuit.

Job. Conr. BECKERUS de *submersorum* Becke-
morte sine pota aqua tractatulum evulgavit: rus.
in quo ostendit, submersos in aqua non ob
potam aquam, ut multi vulgo crediderunt,
mori; sed ob suffocationem: & in talium
defunctorum ventriculis parum vel nihil
aquæ sectioneprehendi. (a)

Deinde in Italia *Antonius Maria VAL-* Valsal-
SALVA elegantem edidit tractatum de aure va-
humana, multis novis observationibus circa
auris fabricam, nitidisque figuris exorna-
tum: in quo simul nova ductus salivalis, mu-
sculorum uvulae atque pharyngis descriptio &
delineatio continentur. (b)

Petrus MATTHÆUS Consentinus, A- Matthe-
nimadversiones Physico-Medicas edidit; in us Con-
quibus Physiologiam sive functiones hu- sentinus
mani corporis partium scite exposuit. (c)

BAGLIVII quoque *Praxis Medica*, cum Bagli-
dis- vius,

(a) Giesæ. 8.

(b) Bononiæ. 4. Recusus deinde Trajecti ad
Rhenum 1707. 4.

(c) Neapoli 4. 1704.

dissertationibus variis, quæ Anatomici sunt argumenti, hoc anno in lucem prodierunt: ut de *Anatome Tarantulae*, de *ovis ostrearum detectis*, *experimenta varia Anatomico-insusoria*, de *circulatione sanguinis in rana*, *historia morbi & sectionis cadaveris Marcelli Malpighii*; quæ omnia interea variis in locis varia forma denuo impressa sunt.

Lemery.

Inter Gallos *Ludovicus LEMERY* hoc anno Gallica lingua dissertationem vulgavit de *nutritione ossium*, & *natura usuque medullæ*: in qua, egregie ejus fabricam & usum exposuit (a)

Anno

1705.

Meryus.

Anno 1705. *MERYUS* supra jam laudatus tractatum edidit Gallicum, quem *physicum* appellat: (b) in quo primo examen instituit *observationum Vernei* (vulgo *du Verney*), quas in corde testudinis terrestris instituit; ubi simul respondet objectionibus, quas *Verneus* systemati ipsius de *circulatione sanguinis per foramen ovale in fœtu humano* opposuit. Præterea censuram exhibet *observationum*, quas *Bussiere* in corde testudinis marinæ instituit: adjiciens *descriptionem cordis & hujus testudinis*, & *simul magnæ testudinis terrestris Americanæ*.

Courtial.

Job. Josephus COURTIAL novas etiam observationes Anatomicas de ossibus & de nonnullis aliis partibus Gallice edidit: (c) scripsit

(a) *Dissertation sur la Nourriture des Os*, ou l'on explique la nature & l'usage de la moelle. a Paris. 8. Anno 1704.

(b) Titulus est, *Traité physique de Monsieur Mery*, à Paris. 1705. 4.

(c) *Nouvelles observations Anatomiques sur les os*, par Jean Joseph Courtial, a Paris. 1705. 8.

scripsit enim inter alia de formatione & structura ossium, nutritione eorundem, de medulla, de singulari fragilitate & mollitie ossium observata, de novis vasis lymphaticis hepatis, de liquore pericardii, de infante extra uterum re-
perto &c.

Hoc ipso anno Amstelodami *ANDRII* dissertatio quædam prodiit argumenti Anatomici: in qua de *Medulla* agit; ubi eos præcipue refutare satagit, qui docuerunt, medullam non nutrire ossa, eamque sensu gaudere. (a)

Andrii :

Raymundus *VIEUSSENIUS*, Medicus Monspeliensis, Neurographia sua, aliisque scriptis superiori seculo editis, clarus, jam quoque novum vasorum corporis humani systema edidit; in quo præter alia demonstrare suscepit, reliqua corporis vasa ab arteriis oriri, & viscera, eoque vulgo pro partibus glandulosis habita, non nisi ex congerie subtilissimorum vasculorum constare cum *Ruysschio* autumat: idque multis experimentis it probatum. (b)

Vieus-
sens:

In Italia *Job. Dominici SANTORINI* opuscula Medica de structura & motu fibræ, de nutritione animali, de hæmorrhoidibus & catameniis prodierunt. (c)

Santori-
nus

Præterea *Antonius PACCHIONUS* dissertationem epistolarem edidit de glandulis conglobatis duræ menyngis humanæ, indeque or-
tis

Pacchio-
nus.

(a) Ec'aircissement sur le livre de la genera-
tion des Vers a Amsterdam. 1705. 8.

(b) Amstelodami 8.

(c) Venetiis 8. Recusa postea Roteroda-
mi. 8.

Heyne. *tis lymphaticis ad piam menyn gem productis.* [a]
 Joannes Ch. HEYNE, Suecus, tentamen
 de ossibus eorumque morbis, evulgavit, in
 quo structuram & naturam ossium breviter
 pertractat. [b]

Francus. Deinde hoc anno a Georgio Frid. FRAN-
 CO de Frankenan edita est *Anastomosis rete-*
ta; in qua varias vasorum osculationes cum
 negantium rationibus & objectionibus,
 itemque mutuas certasque vasorum in cor-
 pore connexiones, functiones & secretio-
 nes animales, cum usu membranarum,
 clare ostendere donatur. [c]

VVarli- Ita & eodem tempore Christian. VVARLI-
 zius. ZIUS dedit *Scrutinium lacrymarum*, quo
 in libro varia, ad Anatomen spectantia,
 reperiuntur. [d]

Lovv- Maxime vero hunc annum exornavit
 thorpius. Joannes LOVVTHORPIUS, qui in Anglia
Acta Societatis Regiæ Anglicanæ, quæ vulgo
Transactiões Philosophicas appellant, ab ini-
 tio hujus Societatis usque ad initium hujus
 seculi in compendio edidit, in certum ordi-
 nem atque capita digessit, & præcipue res
 Anatomicas, quæ antea dispersæ, multo-
 que labore inquirendæ erant, pulchra serie
 conjunxit, ut facili negotio nunc reperire
 queamus, quæ desideramus. Nulla vero
 pars est corporis, de qua non observatio-
 nes curiosæ hic inveniuntur. [e]

Inter

(a) Romæ. 8.

(b) Amstelodami. 8.

(c) Hassniæ. 4.

(d) Vitebergæ. 8.

[e] Titulus est, *The philosophical Trans-*

Inter scriptores, qui gloriam anno 1706. Anno conciliarunt, primum locum meretur Jo. 1706. *Bapt. MORGAGNUS*, qui *Adversaria sua* Morga-
Anatomica prima Bononiæ, eleganti charta gnus,
& typo, hoc anno primum evulgavit: quæ deinde etiam Lugduni Batavorum, & postea anno superiori Patavii una cum quinque aliis suis *Adversariis* nitidissime recusa sunt.
[a] Describit in illis primo varia nova, a se ipso primum inventa; deinde cognita quædam veteribus, sed neglecta a recentioribus, veris inventoribus suis vindicat & restituit; ac denique varios errores nonnullorum Anatomicorum egregie emendat.

Porro *Georgius DESNOVES* sive *NOVES* Desno-
SIVUS, Anatomix & Chirurgiæ quondam ves.
Professor Bononiensis, epistolas edidit Gallico sermone de variis novis inventis, & inter hæc etiam de inventis Anatomicis agentes; ut de *singulari quodam reptatu nervi auditorii per aurem*, de *artificiosa vasorum repletione*, de *methodo partes elegantissime cera effigendi sive imitandi*, [b] quo ultimo artificio omnes alios hucusque superavit.

Ita & *VIEUSSENIUS* antea laudatus par. Vieuf-
vo in libello Gallico nova, quæ in corde in- sens.
venit, descripsit; in quibus loca indicare satagit, e quibus *Cartesii fermentum cordis* provenire credit. [c]

Præ-

actions and Collections to the End of the Year 1700-abridg'd and dispos'd under General Heads, in three volumes, by Jo Louchorp. London. 4. 1705

(a) Editio Bononiensis & Patavina impressa est in 4 Belgica vero in 8.

(b) Romæ. 8.

(c) *Nouvelles Decouvertes sur le cœur.* à Paris. 8.

LeClerc. Præterea *LE CLERC*, Medicus Parisinus, *Osteologiam* lingua Gallica edidit, quam ipse *exactam & completam* appellare non dubitat. (a)

Anonymus. Ibidem *Anatomica Dissertatio Gallica Anonymi* prodiit, in qua sententiam eorum impugnat auctor, qui statuunt, *generationem fieri ex ovo*. (b)

Covvard. In Anglia *Guilielmi COVWARDI Ophthalmiatria* prodiit: in qua simul oculorum fabricam & usum describit. (c)

Needham. At in Hollandia hoc anno recusæ sunt *Gualtheri NEEDHAMI Observationes Anatomicae: fœtum, placentam uterinam, membranas fœtus, & vasa umbilicalia potissimum respicientes atque illustrantes*. (d)

Zittmanni. Ad *Anatomicos Scriptores* hujus anni non immerito adhuc referendam esse censemus *Job. Frider. ZITTMANNI Medicinam forensem*, germanice impressam: in qua centuriæ sex casuum Medico-forensium referuntur, de quibus Collegium Medicum Academiae Lipsiensis suam exposuit sententiam: ubi multa occurrunt ad rem Anatomicam & physiologicam pertinentia. (e)

An. 1707. In Germania, Anno 1707. *Job. Guilielmus Pauli*, Professor Lipsiensis, *Hornii Micro-*

(a) *L' Osteologie exacte & complete* par M. Le Clerc. à Paris. 8.

(b) *Dissertation Anatomique sur la generation de l'homme, dans laquelle on combatte le Systeme des Ovaristes*. 12. à Paris.

(c) Londini. 8.

(d) Lugd. Batavor. 12.

(e) Francofurti. 4.

crocosmum, sive Compendium Anatomicum, doctis notis & additionibus quamplurimis suisque observationibus auctum edidit. (a)

Ibidem *Martinus NABOTH*, Medicus Naboth. quoque & Anatomicus Lipsiensis, dissertationem conscripsit de *Sterilitate*, in qua corpuscula sphaerica in orificio uteri mulierum interno saepe occurrentia, pro novo & vero mulierum ovario declarat. (b)

Adhuc ibidem *Benjamini Benedicti PETERMANNI*, Medici Lipsiensis, observationum Medicarum Decades tres, inter quas multae cadaverum incisiones editae sunt. (c)

Francofurti vero *CASSERII Tabula Anatomica*, germanice prodierunt, cum additamentis & annotationibus novis *Joh. Jacobi FICKII*, Professoris nunc ordinarii Jenensis. (d)

SCHELHAMMERUS supra jam laudatus, *Phoca Maris* & *Xiphiae piscis* curiosam Anatomem edidit. (e)

In Anglia *Jacobus DRAKE Anthropologiam* novam, sive novum systema Anatomiae, duobus voluminibus, Anglice divulgavit, elegantibus eisque multis novis figuris & inventis refertissimum. (f)

Ibidem *Jacobus DOUGLAS* scripsit *Myographiam comparatam specimen*, sive descriptionem, ut vocat, comparativam omnium musculorum.

(a) Lipsiae. 8.

(b) Lipsiae. 4.

(c) Lipsiae. 8.

(d) Francofurti. 4.

(e) Hamburghi. 4.

[f] Londini. 8.

sculorum in homine & quadrupede , lingua quoque Anglicana ; quibus addidit descriptionem novam *musculorum mulieribus propriorum* & tabulam etymologicam . [a]

Floyer.

Præterea JO. FLOYER *Tractatus de pulsibus* prodit : in quo *circulationis negotium pulsumque naturam* ex machina cordis , arteriarum ac venarum fabrica eleganter exponit . [b]

Eustachius .

In Hollandia *Opuscula Anatomica Bartholomæi EUSTACHII* , celebris illius Anatomici Itali , hætenus adeo rara & tantopere desiderata , recusa sunt : quibus adjecerunt *Lealis LEALIS* *Exercitationem epistolicam de partibus semen conficientibus in viro* ; in qua præcipue *resolutionem vesicularum seminalium* in intestinulum , quasi cæcum , primus docuit atque delineavit , aliaque ab aliis diversa tradidit . Hæc vero ultima an cum veritate conveniant , penes alios esto judicium . [c]

Stroem.

Ibidem etiam *Christianus STROEM* , Suecus , dissertationem edidit , quam inscripsit : *Ratiociniorum mechanicorum in Medicina usus vindicatus* ; & paullo post , eodem adhuc anno , *novam theoriæ motuum reciprocorum machinæ animalis , ex partium organicarum structura & proprietatibus deductam* : in quibus varia Anatomem illustrantia occurrunt . [d]

Lancisius ,

In Italia eruditissimi *Job. Mariae LANCI-SII* *liber de mortibus subitaneis* prodit ; in quo

va-

(a) Londini 12.

(b) *The Physicians Pulse-vvath* , by. John. Floyer, London. 8.

(c) Lugduni Batavor. 8.

(d) Amstelodami. 8.

varias incisiones cadaverum recenset, subitaneis morbis denatorum. (a)

In Gallia *Anatomicus MAITRE JEAN*, Chirurgus, tractatum edidit, qui multum rumoris concitavit, *de morbis oculorum*, sermone Gallico; cui non solum amplam oculi descriptionem anatomicam præmisit; verum etiam in sectionibus oculorum, cataracta laborantium, nullum corpus membranosum, sed crystallinum oculi humorem opacum invenit. (b)

Maitre .
Jan .

Anno 1708. *Nicolaus HARTSOEKER*, celeberrimus Physicus atque Mathematicus, tractatum orbi erudito exhibuit Gallicum, quem *Continuationem* vocat *conjecturarum physicarum*. (c) In quo præcipuarum partium corporis humani structuram & usum, ex principiis mechanicis, exponit.

Hartsoe-
ker .

Godofredus BIDLOUS, Professor quondam Leidenensis, hoc quoque anno *Exercitationum suarum Anatomico-Chirurgicarum* decades duas edidit, (d) quarum Anno 1704 unam tantummodo publicaverat. Continent dissertationem de *nervis*, quos solidos esse vult; de hydatidum generatione, de osse cribroso & nervis olfactoriis, de exostosi; aliave similia Anatomies argumenta.

Bidloo .

Ita & *Francisci REDII* observationes de animalculis [ut vocant] vivis quæ in corporibus

Redii .

[a] Romæ. 4. & postea Lipsiæ, 8. 1709.

[b] Traité de maladies de l'œil, à Troyes. 4.

[c] Suite des Conjectures physiques, à Amsterdam. 4.

(d) Lugduni Batavor. 4. prior vero decas jam 1704. in 8. ibidem apparuerat.

ribus animalium vivorum reperiuntur, latine, multis cum figuris, impressæ sunt. (a)

Barna-
beus.

Antonius Nicolaus BARNABEUS ad *Lancisii* modum *Dissertationem* edidit de *mortibus subitaneis*, lingua Italica cujus gratia cadavera quoque varia dissecuit. (b)

Thebe-
sius.

Adamus THEBESIUS, *Silesius*, *dissertationem* conscripsit de *novo circulo sanguinis in corde*: in qua novas venulas, in superficie interna thalammorum cordis delineavit & descripsit, per quas continuo sanguis ex interiori cordis substantia in cavitates cordis exoneratur. (c)

Lovve-
rus.

Ita & *LOVVERI* tractatus doctissimus de *Corde*, sæpe jam antea recusus, *Lugduni Batavorum* hoc anno nitide iterum impressus est.

Alghi-
sius.

In Italia *Thomæ ALCHISII* tractatus de *Lithotomia*, sive calculi e vesica extractione, prodiit sermone Italico: (d) in quo novam descriptionem novæque figuras partium urinæ secretioni atque excretioni destinatarum quæ pro calculi sectione rite peragenda scitu valde sunt necessariæ, exhibet.

Referri huc etiam potest *Jacobi KEILII* Keilius. Angli, tractatus, Anglice conscriptus, de se-

cre-

[a] Amstelodami. 12.

[b] *Dissertatione delle morti improvisi*. Roma, 1708. 4.

(c) *Lugdun. Batavor. & deinde quoque Javoriæ* in . . . recusa vero est postea *Lugdun. Batavor. 8. 1716. cum Hovii Dissertatione*.

(d) *Lithotomia*, o vero del cavar la Pietra trattaro, di Tommaso Alghisi, Academico Fiorentino, in Venezia. 4.

cretione animali, (a) quantitate sanguinis in corpore humano, & motu musculari: quia in eo varia ad Anatomem & Physiologiam pertinentia occurrunt. Prodiit deinde idem rursus liber, pauco abhinc tempore, mutato solum titulo, paullo auctior. *(b)*

Ex Dissertationibus physico Mathematicis *Georgii Alberti HAMBERGERI*, hoc anno Jenæ editis, referenda huc est ea, in qua ex *Anatome, sive consideratione fabricæ mirabilis cordis, Deum demonstrat. (c)*

PALFYNUS Gallice publicavit tractatum de partibus genitalibus mulierum, cum tractatu de monstris Liceti, Gallice versis; cui novas observationes adjecit, ut & dissertationem illam de circulatione sanguinis in fœtu contra Meryum. *[d]*

Anno 1709. apparuit *Laurentii TERRA-NEI* tractatus de glandulis universim & speciatim ad urethram virilem novis, quem aliquot figuris illustravit; *[e]* quæ tamen glandulæ novæ eadem prorsus esse videntur, quæ jam antea a *Covvpero, Littrio, & Morgagnio* descriptæ fuerunt.

Dublino in Irlandia *Georgius BERKELEY* tentamen novæ theoriæ visionis lingua Anglicana publicavit, *[f]* in quo oculi *Anatome* continetur.

C 2 In

(a) An account of Animal secretion and muscular motion. 8. London. 1708.

(b) Essai on several parts of the animal œconomy, by James Keil, 8. London 1717.

(c) Jenæ. 4.

(d) Lugd. Batavor. 4.

(e) Taurini. 8.

(f) An Essay towards a new Theory of vision. Dublin. 8.

Hambergerus.

Palfy-nus.

An. 1709.
Therri-neus.

Berkeley.

Brissæus.

In Gallia *BRISSÆI* Tractatus de *Cataracta & Glaucomate*, Gallico sermone, lucem aspexit; [a] qui ex diversis schediasmatibus, paullo ante diverso tempore impressis, maxima ex parte coaluit. In hoc vero præmisit concinnam oculi descriptionem; postea vero suas aliorumque describit observationes, quibus invenerunt, cataractæ causam ordinarie non pelliculam, ut vulgo voluerunt, sed *humorem crystallinum opacum* fuisse.

Listerus.

Martinus vero *LISTERUS* in Anglia amplam dissertationem de *humoribus* hoc anno evulgavit; in qua multa argumenta Anatomica pertractantur, multæque novæ sententiæ physiologicæ de variarum partium actione atque usu proponuntur; [b]

Brunnerus.

Ita & *Jo. Conradi BRUNNERI*, a longo jam tempore Archiatri Palatini primarii celeberrimi, sacrique R. I. liberi Baronis, eruditus de *Pancreate* tractatus hoc anno eadem forma, ut antea, iterum impressus est in *Hollandia*.

Heucherius.

In Germania vero *Job. Henricus HEUCHERUS*, Professor Vitebergensis, Regisque Poloniarum hodie Archiater, dissertationem promulgavit, quam *ARS MAGNA, ANATOMIE*, inscribit: in qua solide ostendit, *Anatomen artem* esse revera magnam, sive utilitatē & jucunditatem ejus respicias, in cognoscendo corpore sano, sive necessitatem ejus ad veram debellandi morbos rationem

(a) *Traité de la cataracte & du Glaucoma* par M. *Briseau*. à Paris. 8.

[b] Londini. 8. Recusus postea est hic liber *Amstelodami* 1711. 8.

nem consideres, five denique difficultatem
& requisita quamplurima intuearis, quæ ad
eam, cum rite docendam, tum recte addi-
scendam, requiruntur. Confutat igitur ca-
lumniatores atque osiores ejus, demonstrat-
que, non solum cadaverum humanorum,
verum etiam aliorum animalium incisio-
nes, ad corpus humanum rite cognoscen-
dum, necessarias esse; neque sufficere aut fi-
guras piætas, aut cera, aliave arte represen-
tatas partes, etiamsi ceteroquin sint per-
quam utiles, ad corporis nostri fabricam in-
time percipiendam, aliasque objectiones
misanatomicorum, quas vulgo obtrudunt,
refellit. Aggreditur postea ipsius artis nobi-
lissimæ tractationem, judiciumque fert de
prisca *Democriti, Hippocratis, Aristotelis,*
Ægyptiorum, Græcorum aliorumque *Anato-*
me. Docet deinde Anatomē & *manuductione*
& *libris* simul recte addiscendam, bonamque
dissecandi five incisiones administrandi me-
thodum ambobus hisce adminiculis compa-
randam esse. Agit præterea *de apparatu,* quo
sector opus habere videtur, *de requisitis sectio-*
num magistri, de impedimentis & difficultati-
bus in sectione occurrētibus, maxime de *san-*
guine, sectiones turbante: cujus occasione
prolixè disserit de methodo *Bilsi,* qua *sine*
ulla sanguinis effusione ipsū corpora humana
bestiarumque dissecuisse ferunt, & quæ præ-
ter hæc magna promiserit, recenset. Porro
de ordine deliberat, quem sector potissimum
sequi debet, tam generatim, quam speciatim
in musculis, intestinis, cerebro, aure, aliis-
que partibus. Denique recenset multas va-
rietates, quibus corpora ratione vasorum

ductuum, numeri, situs partium, figuræ, magnitudinis, variare solent, quas *lusus naturæ* vulgo vocant; tandemque cautiones addit lectoribus probe observandas, ut omnia methodo convenientissima dividere, præparare atque ostendere queant. [a]

An. 1710. *Philippi VERHEYENI* altera Anatomies sue editio post obitū Auctoris prodiit, novis observationibus, pluribusque figuris priori auctior; cui simul addidit, tantā supplementū Anatomicū, librū secundū diu a multis desideratum; in quo *partiū usus & munia* explicat. Accedit quoque descriptio Anatomica *partiū fœtus recens nato propriarum* itemque controversia *de foramine ovali*, inter Autorem & *Meryum* agitata. (b)

Hoc ipso anno etiam in conspectum hominum prodiit altera editio circuli Anatomico Physiologici celeberrimi *Job BONNII* cui varix nunc dissertationes Auctoris adjectæ sunt, quæ in priori deficiebant, eadem, uti prior, forma

Recens vero in Italia lucem aspexit *Job. Baptista BIANCHI* *Historia hepatis*, sive *Traëctatus de hepatis structura, usibus & morbis*; in quo varias recentiorum sententias de hepatis fabrica & secretionibus impugnat. [c]

In

[a] Vitebergæ. 4.

(b) Bruxellis. 4. Tom. II. postea eadem forma Colonix, ut titulus fert, An. 1712. recusatus est, cum variis *Vieussenii* additamentis, & integræ ejusdem novæ dissertatione de *structura & usu uteri atque placente uterinae*. Deinceps etiam Lipsiæ in 8, Latine & Germanice prodiit.

(c) Augustæ Taurinorum 4. 1710. Habetur etiam cum titulo 1711 sed non est alia editio, verum nil nisi titulus mutatus.

In Belgio Job. Conradus BARCHUSEN Barchu.
Historiam Medicinæ in publicum emisit: in sem.
 qua integro dialogo *Anatomes usum in Me-*
dicina demonstrat. (a)

In Gallia Petrus DIONIS, Chirurgus Dionis.
 Parisinus egregius ad exemplum *Lancisii* dis-
 sertationem hoc anno edidit *de mortibus subi-*
taneis; ubi varia exempla recenset eorum,
 quos dissecuit, qui mortibus subitaneis inter-
 ierant: ubi simul quid in eis singulare ob-
 servaverit, describit. (b)

Obstetrix Parisiensis perquam celebris, de la
 DELA MARCHE dicta, librum olim con- Marche.
 scripsit in quo præcepta tradit obstetricibus,
 scitu & utilia & necessaria, qui hoc anno
 recusatus est. Hoc vero in libro, sicut in ple-
 risque similibus factum est, non solum *par-*
tium genitalium descriptio exhibetur, verum
 etiam delineatio *uteri*, itemque *uteri dupli-*
cis rarissimi, in mortua quadam femina Pa-
 risiis reperti, sistitur. (c)

In Miscellaneis Berolinensibus, hoc anno Daglius.
 impressis, DAGLII modus peculiaris cada-
 vera condiendi laudatur.

Franciscus Balth. VON LINDERN edi- von Lin-
 dit brevem *Osteologiam* lingua Germanica: dern.
 in qua ossium doctrinam brevissime expone-
 re allaboravit. (d)

C 4 Lip-

(a) Amstelodami. 8.

(b) Dissertation sur la mort subite,
 par M. Dionis, à Paris. 1710. 12. recu-
 la ibidem 1718. cum additamento de Catale-
 pti.

(c) Instruction familiere & utile aux sages
 femmes, par Madame de la Marche, à Paris 8. 1701.

(d) Argentorat. 12.

Anony-
mus.

Lipsiæ vero *liber Anonymus* exiguus sermone quoque Germanico prodiit, cujus inscriptio est, *Processus Anatomicus*: in quo ostendere satagit autor, quomodo Medicus vel Chirurgus sectionem corporis humani, si illud secundum artem incidere vult, optime addiscere queat. (a)

An. 1711.
Fanto-
nus.

Annum 1711. *Job. FANTONUS*, in Taurinensi universitate Anatomix Professor, erudita corporis humani Anatomia egregie illustravit: (b) attamen tunc temporis non nisi partem priorem, in qua infimi & medii ventris historia exponitur, exhibuit; posteriorem vero edendam adhuc promisit; id quod vero hætenus, quantum novi, nondum præstitit. Reperiuntur in hoc libro doctissimo elegans & floridus stylus, egregiæ observationes atque experimenta anatomica, ac pulcherrima de usibus partium ratiocinia.

Vercel-
lonius.

Præterea in Italia *Jacobus VERCELLONIUS*, Pedemontanus, dissertationem anatomicam edidit *de glandulis œsophagi conglomeratis*: (c) in qua *novos ductus excretorios* ex glandulis, thyroidea, jugularibus, trachealibus, dorsalibus & aliis in œsophagum desinentes, describit, quos humorem digestivum, simul cum vermiculis, nescio quibus, digestionis intervientibus, in ventriculum deponere existimat.

Felinus.

Hoc anno etiam *Laurentii BELLINI* Exercitationes Anatomicæ, de *structura & usu*

(a) Lipsiæ. 8.

(b) Augustæ Taurinot.

(c) Astæ. 4.

Anatomia in hoc Seculo XVIII. 41
 renum, ut & de gustus organo, reclusæ sunt :
 (a) quibus renum monstrorum exempla
 adiecerunt.
 Deinde quoque *Francisci GLISSONII* o. Glisso-
 pera practica atque anatomica, (b) ut & nius.
DRELINCURTII liber de lienosis, (cui Drelin-
 accessit *BELLINI* consideratio nova de mo- curcius.
 do & natura respirationis,) denuo e prelo Bellinus
 prodierunt. (c)

Curtialii, Petiti & Lemerii scripta de ossi- Mahle-
 bus a *Job. Andrea MAHLERO*, Germa- rus.
 nice reddita, sub nomine *Medici ossium*
 (*BEIN-VRKT*) impressa sunt. (d)

In Gallia hoc anno *VERDUCCI* *Myologia* Verduc.
Gallice e prelo emerfit (e) a *Meryo* vero pro- Meryus.
blemata varia physica, ad fœtum in utero, ejus-
 que nutritionem, vitam & partum pertinen-
 tia, lingua quoque Gallorum edita sunt. (f)

Mich. Bernb. V. ALENTINUS in lucem de- Valen-
 dit *Novellas Medico-legales*, sive Respon- tin,
Medico-forensia, in quibus quoque *Anato-*
mica quædam occurrunt : (g)

ERNDELIUS vero iter suum Anglica- Ernde-
 num & Batavum, in quo varia Anatom- lius,
 ca referuntur, in secula emisit : (b)

An. 1712. in Italia lucem aspexerunt *Fran-* Anno
cisci Maria NIGROSOLII considerationes 1712.
 de generatione viventium & sigillatim mon- Nigro-
 stro- solius.

(a) Lugdun. Batavor. 4.

(b) Amstelodami 12. 3. vol.

(c) Lugdun. Batavor. 8.

(d) Dresdæ. 8.

(e) Parisiis. 12.

[f] A Paris. 4.

(g) Francofurti 4.

(h) Amstelodami. 8.

strorum, lingua Italica; [a] in quo libro multa curiosa continentur ad Anatomem pertinentia.

Pascolus. Porro *Alexandri PASCOLI* Anatomie vernacula Italarum conscripta, quæ, ut supra jam dictum, An. 1700. Perusiæ primum prodiiit, iterum hoc anno impressa est. [b]

De Sandris. Ita & alius Itali, *Jacobi* scilicet *DE SANDRIS*, in Academia Bononiensi Anatomix & Chirurgiæ Professoris, tractatum antea rarissimum, de naturali & præternaturali sanguinis statu, ut & de ventriculo, glandulis & emeticis, qui Bononiæ primum prodierat,

Tuncken. [c] hoc anno *Johannes Helffricus Tuncken*, ob præstantiam, ut ait, suam, recudi curavit. [d] Continet vero hic liber non pauca argumenti Anatomici atque physiologici.

Mauriceau. Hoc etiam anno Parisiis *Francisci MAURICEAU* tractatus Gallicus, perquam celebris, de morbis gravidarum & puerperarum quinta vice cum augmentis & novis observationibus lucem aspexit: in quibus multa sunt, quæ ad Anatomiam pertinent. [e]

Hecquet. Ibidem Tractatus de digestionem & morbis ventriculi, lingua Gallica, sine nomine Autoris prodiiit; quem vero *HECQUETUM*, Medicum Parisiensem doctissimum, esse nonnulli perhibent. Multa in hoc libro occurrunt Anatomici & Physiologici argumèti [f]

Porro

(a) Considerazioni intorno alla generatione de' viveti & particolarmente de' moltri, in Ferrara. 1712. 4.

(b) Il corpo umano di *Alessandro Pascoli* in Venezia. 1712. 4.

(c) Anno 1696. 4.

(d) Francofurti 8.

(e) A Paris. 4. 2. vol.

(f) De la Digestion & des maladies de l'estomac, suivant le système de la trituration &c. à Paris 8.

Porro in Anglia prodierunt *GIBBSII* ob- Gibbs.
servationes de *scrophulosis affectibus*: quibus
novas, ut ait, considerationes addidit de *stru-*
ctura glandularum & secretione animali. [a]

In Germania *Abraham. VATERUS*, nunc Vaterus:
Professor Vitebergensis, Parentis sui, *Cbri-*
stiani VATERI, itidem Professoris Viteber-
gensis, *Physiologiam experimentalem*, quam
ante decennium hic primum ediderat, longe
auctiorem atque correctiorem denuo emi-
sit: in qua experimenta anatomica egregia
quam plurima describuntur [b]

Huc referendus est *Job. Matthia MULLE-* Mulle-
RI tractatus de *Effractura Cranii*, in quo au- rus.
tor quam plurimas annotationes anatomi-
cas, Anatomen præsertim capitis illustran-
tes, adjecit. [c]

Præterea his addendæ *Elia CAMERA-* Camera-
RII, Professoris Tubingensis, dissertationes, rius.
quas Taurinenſes vocavit: in quibus de va-
riis argumentis anatomicis disserit. [d]

Ex scriptis anatomicis, quæ Annum 1713. Anno
exornarunt, sequentia mihi innotuerunt; ut 1713.
primo *Job. Mauricii HOFFMANNI*, supra Hoff-
jam laudati, *disquisitio corporis humani Ana-* mannus:
tomico pathologica: [e] in qua multa collegit,
quæ ex Anatomia ad Pathologiam illu-
strandam, sive ad morborum naturam & se-
dem rite cognoscendam, faciunt.

De-

(a) Observations of various eminent cures
of scrophulous Distempers, by *D. Gibbs* London.
8. 1712.

(b) Vitebergæ. 4.

(c) Halæ Suevorum. 8.

(d) Tubingæ. 8.

(e) Altorfii Noricor. 4.

Fantonus. Deinde *Job. Baptista FANTONI* observationes *Anatomico-Medica* tertium hoc anno editæ sunt; [a] quas vero hac in editione *Job. Fantonus*, filius, notis & observationibus illustravit, iisque *Lancisii* dissertationes duas adjecit: alteram, de *Physiognomia*; alteram de *sede animæ cogitantis*.

Pacchionus. Præterea laudati *PACCHIONI* Dissertationes binæ, illustrandis *dura menyngis ejusque glandularum structura atque usibus* con Cincinnati, ad *Job Fantonum* datæ, iterum prodierunt. [b]

Anellus. Porro hoc anno *Dominicus ANELLUS* in Italia novam cum erudito orbe communicavit methodum *sanandi fistulas lacrymales*, lingua Gallica; in qua *viarum lacrymalium* egregiam exhibet descriptionem. [c]

Kennedy. In Anglia *Petrus KENNEDY* ophthalmographiam, sive *tractatum de oculis*, lingua Anglicana, edidit: [d] in cujus parte prima novam & exactam, ut perhibet, oculi descriptionem sistit. In appendice etiam agit de *communicatione oculorum & aurium*.

Chefeldenius. Speciatim vero laudanda est *Guilielmi CHESELDENII*, Chirurgi Londinensis, & socii *Academiæ Regiæ*, quæ Londini est, *Anatome corporis humani*, lingua Anglicana quoq; conscripta: in qua non solum in viginti tribus tabulis æneis multas easque egregias delineationes novas variarum partium exhibet,

[a] Venetiis. 4. priores editiones non vidi.

[b] Romæ. 1713. 8.

[c] Nouvelle Methode de guerir les fistules lacrymales, per *Dominique Anel*. 4. 2 Turin. 1713.

[d] Londini. 8.

hibet, sed & varia, ab aliis non observata, describit. (a)

Hoc anno etiam *Christiani Henrici KIRCH-HEIM Vade mecum Anatomicum*, Germanica lingua, pro usu Chirurgorum nostratium, in lucem prodiit, atque uno hoc eodemque anno Dresdæ, in forma, ut vocant, duodecima majori; Lipsiæ vero in duodecima minori impressum est. Kirchheim.

In prælaudati *VALENTINI Medicina Nov-antiqua*, quam hoc anno recudi curavit, continetur, præter alia Anatomica, delineatio ductus thoracici hominis nova, ex *Saltzman*ni dissertatione, de Encheirisi nova, ductum thoracicum in quovis subjecto humano demonstrandi, deprompta. (b) Valentini.

Denique etiam hoc anno *Andreas Otto-mar*us *GOELICKE* *historiam Anatomia novam atque antiquam*, sive conspectum plerorumque, ut ait, scriptorum, qui Anatomiam illustrarunt, edidit. (c) At quam plurimi adhuc extant Anatomici scriptores diversaque eorum scripta; quorum nulla apud ipsum occurrit mentio. Goelicke.

Verum inter scripta, quæ Anno 1714. in lucem prodierunt, maxime eminent doctissimi quondam Anatomici *Bartholomæi EUSTACHII Tabula Anatomica*, tantopere hæcenus a genuinis rerum anatomicarum estimatoribus desideratæ; quas e tenebris vindicavit Vir amplissimus *Job. Mar. LANCISIUS*, easque præfatione ac notis eruditissimis Anno 1714. Eustachius; Lancisius.

[a] *The Anathomy of the humane Body*, by *W. Cheselden*, Surgeon, London. 8. 1713.

[b] *Francofurti ad Moen.* 4.

(c) *Halæ Magdeburg.* 8.

tissimis exornatas, in manus hominum dedit: (a) in quibus, licet jam sesquiseculo abhinc exaratæ atque sculptæ sint, attamen multa continent, quæ ab aliis interea pro rebus novis vendita sunt; alia vero quæ hucusque in nullo libro anatomico tam bene delineata sunt: quemadmodum vel sola *vasorum meseraicorum* elegantissima delineatio unumquemque rerum anatomicarum peritum docere potest.

Anellus. Præterea hoc anno in Italia prædictus *Domesticus ANELLUS* continuationem & Apologiam novæ suæ methodi sanandi fistulas lacrymales, publicavit: (b) in quibus res variæ anatomicæ occurrunt.

Maitre Jean. Hoc etiam anno *Jo. PALFYNUS*, sæpius jam nominatus, tractatum *Antonii MAITRE-JEAN* de morbis oculorum, supra laudatum, ex Gallico in Belgicum sermonem versum, imprimi curavit, eumque variis additionibus, ad cataractam præcipue & fistulas lachrymales pertinentibus, auxit, atque nonnullas novas figuras, quibus oculi fabricam illustrare voluit, adjecit. (c)

Pitcarnius. *Archibaldi* quoque *PITCARNII* Scoti, opuscula Medica recens & tertium jam prodierunt; (d) qua in editione varia continentur, quæ in prioribus duabus desiderantur.

Multa

(a) Romæ in folio. Confer. Acta Eruditorum Lips. An. 1715. pag. 329. ubi contenta præcipua in compendio videri possunt.

(b) Suite de la nouvelle methode de guerir les fistules lacrimales, par *Dominique Anel*, à Furin. 4.

(c) De Besondere Heel en Genees Konst der Oogsiekten, vertaald door J. Palfyn. 4. Leyden. 1714. c. fig.

(d) Roterodami. 4.

Multa vero in iis Anatomica & physiologica, mechanice explicata, reperiuntur.

Diligens Anatomicus, *Raymundus VIEUSSENS*, nunc etiam tractatum novum, de *structura auris*, satis amplum, Gallice edidit: in quo multa ab aliis jam scripta, sibi vindicare satagit, & simul varias novas figuras & observationes exhibet. (a)

Vieussens.

In Anglia *Jo. PULCELL* tractatum emisit de *Colica*; in quo vero hoc potissimum habet ad Anatomen pertinens, quod digressionem instituerit ad *lienem*; cuius structuram hic describit, variosq; ejus usus & actiones singulares, a sententia aliorum alienos proponit. (b)

Purcell:

Hoc denique anno *Jo. Matthias MULLE-
RUS* tractatui antea laudato adhuc subjunxit observationum & curationum Medico-Chirurgicarum decades duas: in quibus rursus varia anatomica occurrunt.

Muller.

Annum 1715. denuo egregie exornavit *Raymundus VIEUSSENIUS*, & quidem duplici erudito scripto rem Anatomicam illustrante; quorum primum est, tractatus novus de *structura & causis motus naturalis cordis*; alterum, tractatus novus de *liquoribus corporis humani*. In utroque varias novas observationes, sententias & figuras anatomicas exhibet. (c)

An. 1715.
Vieussens.

Peril-

(a) *Traité nouveau de la structure de l'oreille* par M. Raimond Vieussens. 4. à Toulouse. 1714.

(b) *A Treatise of the cholick*, by John Purcell. London. 8. 1714.

(c) *Traité nouveau de la structure & de la cause du mouvement naturel du cœur: Traité nouveau des liqueurs du corps humain.* à Toulouse. 1715. 4. par M. Raymund Vieussens.

A Brunn. Perillustri liber Baro, *Jo. Conradus Brunnerus*, à BRUNN, Archiater Electoris Palatini antea jam laudatus, tractatum de *glandulis duodeni*, tanquam pancreate secundario a se primum inventis, longe ampliorum atque perfectiorum edidit, quam olim, eique alias adhuc observationes novas anatomicas addidit: adjecta simul dissertatione de *glandula pituitaria*. [a]

Petri ab Hartenfels Georg. Christoph. PETRI ab Hartenfels Elephantographiam sive descriptionem elephantis publicavit. (b)

Vallisnerius. In Italia *Antonii VALLISNERII*, primarii Medicinæ Professoris Patavini, opera diversa, lingua Italica, apparuerunt: (c) in quibus, præter scripta varia ad historiam naturalem pertinentia, historiam singularis cujusdam animalis, *Chamaleontis Africani* dicti, dedit: atque simul eadem occasione varia alia examinavit animalia Italiæ, ad illustrationem hujus facientia: ubi una describit, quid in eis memoria dignum observaverit. Præterea *Anatomen vituli monstrosi*, aliorumque monstrorum iidem in operibus exhibuit, atque simul de ovariiis anguillarum scripsit.

Saracenus. *Antonius* vero SARACENUS Anatomiam corporis humani lingua Italica dedit, versam, ut ipse fatetur, ex Anatomia quadam Gallica, ab Anonymo edita: cui tamen annotationes quasdam in fine addidit, ubi multa

(a) Francofurti & Heidelbergæ. 4.

(b) Erfurti. 4.

[c] Opere diverse del Sig. Antonio Vallisnieri: cio e, istoria del camaleonte Affricano, e di vari animali d'Italia &c. 4. in Venezia. 1715.

multa eorum, quæ a tempore editionis Gallicæ in Anatomia detecta sunt, recenset. (a)

Jo. Baptista **BLANCHI**, supra jam a me nominatus, Dissertationem edidit Anatomicam, cujus inscriptionem fecit, *Ductus lachrymales novi*: licet nullos alios, quam qui dudum antea noti erant, in ea descripserit: novas tamen in ea horum ductuum figuras dedit. (b)

Bianchi

Dominicus MISTICHELLI Medicus Italus, vernacula sua hoc anno appendicem edidit ad tractatum suum de *Apoplexia*: in qua inter alia probare satagit, *meninges, non cerebrum, secretionem spirituum perficere*. (c)

Mistichelli.

In Anglia **Jacobus DOUGLAS**, antea jam laudatus, divulgavit *Bibliographia Anatomica specimen*, sive Catalogum omnium pene Auctorum, qui ab *Hippocrate* ad *Harvenum* rem anatomicam ex professo vel obiter scriptis illustrarunt: opera singulorum & inventa, juxta temporum seriem, complectentem (d)

Douglas.

BIDLOI de oculi & visu variorum animalium observationes anatomicæ cum figuris quibusdam hoc anno, tanquam opus posthumum, editæ sunt. (e)

Bidloo

Michael Ernestus ETTMULLERUS, in Academia Lipsiensi jam Professor Medicinæ

Ettmullerus.

D næ

(a) L'Anatomia del Corpo Umano, in Padova. 4. 1715.

(b) Augustæ Taurinorum. 4.

(c) Aggiunta al Trattato dell' Apoplessia, del Dottore Dominico Mistichelli 4. in Padova. Quando vero ipse tractatus, cujus hic appendix est, prodierit, me latet; eum enim videre nondum licuit.

(a) Londini. 8.

(e) Lugd. Batavor. 4. cum figuris.

næ ordinarius, epistolam problematicam scripsit ad virum illustrem, *Fridericum RUY. SCHIUM de ovario novo*, quod *Nabothum* statuere in orificio uteri interno, antea jam innuimus: in qua rationes adducit eorum, qui illud statuunt, atque admittendum esse censent, atque simul illorum, qui id negant & impugnant, sententiamque *Ruysschii* super hac re sibi expetit: (a) quam etiam *Ruysschius* postea in *Adversariis* suis primis dedit.

Dionis : In Gallia *Petrus DIONIS* quintam editionem *Anatomes suæ Gallicæ* edidit: quam vero rursus emendavit & auxit tam rebus, quam figuris novis; maxime vero ampla quadam *Dissertatione de generatione*, [b] de qua hodie tot in Gallia lites.

VValtherus.

Conradus Ludovicus VVALTHERUS, Chirurgus Hallensis in Saxonia, tractatum publicavit *Chirurgicum de spina ventosa*, lingua vernacula: in quo figuris novis, ex anatomica sectione depromptis, illustrat, quomodo teterrimus iste morbus tam misere ossa afficiat atque destruat: (c)

An. 1716.
Mangettus.

Anno 1716 in Helvetia, *Job. Jacobus MANGETUS* *Theatrum* suum edidit *Anatomicum*, duobus magnis voluminibus splendido modo impressum, atque centum & quindecim tabulis æneis amplissimis exornatum: in quo Autor totam rem *Anatomicam* cum omnibus novis inventis atque emendationem errorum vulgatissimorum *Anatomicorum*,

(a) Amstelod. 4.

(b) Parisiis. 8.

(c) Lipsiæ. 8.

rum, perspicuo modo & methodo optima complecti pollicitus est. (a) Quantum vero a scopo aberraverit, haud adeo difficulter cognosci potest, partim ex eis, quæ in præfatione compendii nostri anatomici monuimus, partim & maxime ex doctissimis Adversariis Anatomicis, quæ *Morgagnus*, incomparabilis Anatomicus Patavinus, ab eo tempore edidit. Ceterum *Mangetus* in fine Theatri sui Anatomici etiam figuras anatomicas *Bartbolomæi Eustachii*, antea jam laudatas, cum explicationibus & notis *Lancisii*, sicuti hic eas, paullo ante e tenebris vindicatas, Romæ ediderat, adjecit: figuris vero, haud raro, ut idem *Morgagnus* sæpe monet, depravatis.

In Gallia Chirurgus, cui nomen *LOUIS-LEGER DE GOVEY* librum sermone evulgavit Gallico, quem *Chirurgiam veram* appellat, una, ut titulus indicat, cum novis, tam in *Osteologia*, quam *Myologia*, inventis, & novo de *Generatione fœtus systemate*: in quo varias singulares & paradoxas opiniones circa generationem profert; quæ vero a Medico Tubingenfi, cui *Danielis Hoffmanni* nomen, superiori anno, scripto publico impugnatæ sunt. [b]

Gouvéy.

In Anglia *Guilielmus COKBURN* de *Gonorrhæa virulenta* tractatum latino sermone, nescio quo anno, publici juris fecit, qui vero hoc anno in Belgio recusus est: ubi partes

Cokburni

D 2

illas

[a] *ævæ* in folio.

(b) La Chirurgie Veritable, avec des nouvelles decouvertes sur l' Osteologie & sur la Myologie, & un nouveau systeme sur la Generation du fœtus. a Rouen. 8.

illas describit, in quibus morbus ille suam
habet sedem (a)

Præterea in Belgio *Jacobus HOVIUS* dis-
sertationem inauguralem, quam Anno 1703.
de circulari humorum motu in oculis conscripse-
rat, in forma tractatus amplioris & auctioris
edidit, figurasque plures adjecit. (b) Cui Bi-
bliopola *Thebesii* dissertationem de circulo
sanguinis in corde, de qua jam antea dixi-
mus, adjungi curavit.

A laudato *Ge. Frid. FRANCO* edita est
Diapedesis restituta: [c] in qua transudatio-
nem liquidi urinosi e ventriculo & intestinis
in cavum abdominis, & ex hoc in vesicam,
ligatis ureteribus, defendit. Ita & pus in
Empyicis diapedesi absorberi statuit, alia-
que similia.

In Germania hoc anno incepit edere ob-
servationes anatomicas *Adamus BREN-
DELIUS*, Professor Anatomicus Viteber-
gensis, haud adeo pridem ad superos trans-
latus, earumque tunc primam decadem,
subsequentibus vero annis his adhuc duas
alias decades, [quas ego saltem vidi] adj-
unxit: in quibus variæ memoria dignæ
occurrunt. (d)

Eodem anno etiam a me in dissertatione de
nova methodo curandi fistulas lachrymales, de-
scriptio & delineatio qualiscunque ductu-
um lachrymalium data est. (e)

Annum 1717. *RUYSCHII Adversario-*
rum

An. 1717.
*Ruyf-
chius.*

(a) Lugd. Batav. 8.

(b) Lugd. Batav. 8.

(c) Hafniæ. 4.

(d) Vitebergæ. 4.

(e) Altorfi Noricorum. 4.

rum *Anatomico-Medico-Chirurgicorum decas prima* rursus illustravit; in qua varia notatu digna de feminis in uterum ingressu, de glandulis cutaneis, de monstris variis, & imprimis etiam Responsio ejus ad *Epistolam Ettmulleri de ovario novo*, continentur. [a]

Præterea in Belgio celeberrimi quondam Mariotti Physici & Mathematici, *M. ARIOTTI*, opera recusa sunt; (b) in quibus potissimum dissertatio huc pertinens de visu reperitur: in qua in verum visus organum inquisivit, quod tunicam oculi, *Choroideam* dictam, contra receptam eruditorum sententiam, esse, evincere contendit: quam quoque hypothesein *Meryus* in *Historia Academię Regię Scientiarum* haud pridem denuo defendendam suscepit. Ita & incertum esse judicavit, aerem in pulmonibus sanguini misceri, quod alias plurimi semper crediderunt, & adhuc credunt eruditi multi, alique.

In Germania *Georgii Theodori BARTHOLDI*, Professoris quondam *Giesensis*, opera Medica posthuma prodierunt: in quibus etiam corporis humani descriptio *Anatomico-Physiologica*, sed admodum brevis & imperfecta, continetur. (c)

David HERMANNUS imprimi curavit *Tabulas Osteologicas*; in quibus totam ossium doctrinam singulari methodo exhibere allaboravit: (d) promittens simul reliquarum partium corporis humani descriptionem eadem methodo edendam.

D 3 Hoc

(a) Amstelodami. 4s

(b) Lugduni Batav. 4s.

(c) Impressa Francof. ad Moenum. 4s

(d) Budissæ 4s

Trichte-
rus.

Hoc anno etiam *Valentini TRICHTERI Anatomia equi*, lingua Germanica, duobus voluminibus multisque figuris in lucem prodit. (a)

Bellinge-
rus.

In Anglia *BELLINGERUS* Anglice edidit Tractatum, de *fœtu nutrito* inscriptum: (b) in quo præcipue ostendere conatur, *nutrimentum fœtus in glandula thymi preparari*, atque inde ad glandulas salivales, maxillares dictas, transmitti, & ex his pro nutrimento fœtus ad os deponi.

Morga-
gnus.

Eundem annum in Italia egregie rursus exornavit sæpius jam laudatus *MORGAGNUS*, dum eruditissima *Adversaria sua Anatomica altera & tertia* eleganti typo & charta augusta edidit: in quibus, ut antea jam innuimus, quam plurimi errores a *Mangeto* in Theatro Anatomico, ut & ab aliis Anatomicis commissi, detegunt, corriguntur, omissa supplentur, atque multa aliis non observata, proferuntur. (c)

Melli.

Præterea *Sebastiani MELLI*, Professoris Veneti, tractatus de *fistula lachrymali* lucem aspexit; in quo, dum in gratiam, ut ait, auditorum suorum, lingua Hetrusca, novam *Anelli* methodum has fistulas curandi, descripsit, novas simul figuras de *ductibus lachrymalibus* adjunxit. (d)

Vidussi.

Porro in Italica *Josephus Maria VIDUSSI* lingua Italica emisit libellum, in quo multis rationibus receptam modernorū sententiam, quasi

(a) Norimbergæ. 8.

(b) Londini. 8.

(c) Patavii. 4.

(d) Delle fistole lacrimali di *Sebastiano Melli*, Veneto, in Venezia. 8.

quasi omnia animalia ex ovo generarentur, destruere conatur: sustinens, insectorum multorum generationem spontaneam esse, sive ex putredine, secundum *Aristotelis* sententiam oriri; animalia vero perfectiora ex semine, & volatilia ex ovis generari. [a]

Denique etiam *meum Compendium Anatomicum* hoc anno primum in conspectum hominum prodiit; [b] in quo *totam rem anatomicam nostrorum temporum*, emendatis, quantum fieri potuit, aliorum erroribus, suppletisque defectibus, brevissime complectendam studui.

Anno 1718. Jo. Mariae LANCISII, intimi Cubicularii & Archiatri Pontificii, quem An. 1718. Lancisius. nuper magno rei Medicæ atq; litterariæ detrimento defunctum esse, jam antea conquestus sum, opera, quæ eousque prodierant, omnia, ineditis adhuc quibusdam scriptis, locupletata, impressa sunt; [c] in quibus multæ res Anatomicæ continentur; præsertim in tractatu de *mortibus subitaneis*, ut alias jam innuimus; deinde in dissertatione, quam *humani corporis synopsis anatomicam* inscripsit: porro in ea, ubi agit de *humorum secretionibus*, ac præcipue de *bilis in hepate separatione*, ac denique in dissertatione de *sede animæ cogitantis*; cui in hac editione figuras quinque elegantes æneas adjecit, quæ antea aliis in editionibus hujus dissertationis deficiebant.

In Gallia sæpe jam laudatus Petrus DIONIS.

D 4 NIS

(a) Motivi di dubitare intorno la generatione de' viventi sensitivi, secondo la commune opinione de' Moderni. 12. in Venezia. 1717.

(b) Altorfii. 4.

(c) Geneva. 4.

NIS tractatum novum Gallicum publicavit de arte obstetricandi; in quo ab initio de generatione agit: ubi non solum amplam descriptionem exhibet partium genitalium utriusque sexus, verum etiam foetus in utero atque secundinarum Anatomen sistit. [a].

de la Motte. Ibidem etiam hoc anno apparuit dissertatio de generatione & superfætatione, lingua Gallica, à Chirurgo, cui *DE LA MOTTE* nomen est, conscripta; in qua autor evincere conatur, generationem potius secundum mentem veterum ex mixtura utriusque sexus seminis, quam ut plerique hodie opinantur, ex ovo fieri. [b]

VVagret. *VVAGRÉT*, Medicus Gallus, Valentiae in Belgio *Observationes* edidit *Medicas & Chirurgicas*; in quibus præter *Osteologiam* variae ad Anatomen spectantes observationes continentur. [c]

Poliniere. *Petrus POLINIÈRE*, Gallice divulgavit *Experimenta physica*, in quibus multa quoque occurrunt experimenta anatomica. [d]

Klaunigius. In Germania hoc anno prodierunt *Godofredi KLAUNIGII Historiæ Medicæ* in nosocomio Vratislaviensi observata: in quibus multæ historiæ & incisiones ibidem defunctorum corporum recentur, quarum nonnullæ etiam figuris illustrantur. [e]

Dein-

[a] *Traite des Accouchemens*, par M. D. onis, à Paris 8. 1719.

[b] *Dissertation sur la Generation & la superfætation*, par le Sr. de la Motte, à Paris. 8. 1718.

[c] *Observations de Médecine & de Chirurgie* par monsieur VVagret. à Valenciennes. 8. 1718.

[d] *Experiences de Physique* par M. Poliniere 12. à Paris 1718.

[e] *Vratislaviæ*. 4.

Deinde etiam hoc anno *Friderici HOFF-* Frid.
MANNI *Medicinae rationalis tomus prior* pro- Hoff.
diit; in quo corporis humani functiones ex mannus.
mechanicis & Anatomicis principiis eleganter exponit; in simul hypotheses quasdam singulares in eo fovet, vulgari sententia alienas; nimirum *venas coronarias cordis sanguinem non abducere*, sed sic, ut arteriæ solent, eum adducere; hoc est, venas has non revertere more aliarum venarum, sed advehere, more arteriarum; deinde *Ovarium novum Nabothi* non solum admittit, verum etiam variis argumentis illud defendit &c. (a)

Job. Christophorus SPROEGELIUS Ger- Spræge-
manice edidit in usum Chirurgorum *Anato-* lius.
miæ epitomen: in qua, ut ipse indicat, Compendii mei Anatomici priorem editionem maxima ex parte secutus est. (b)

Hannoveræ etiam illo anno vernacula Anony-
nostra *Vade mecum Anatomico-Chirurgicum* mus.
prodiit: cujus Autor sub his literis D.I.VV.
A. latere voluit: in quo brevissimis tantum de Anatomia agit. (c)

Hoc anno etiam ego meam dissertationem *de Valvula Coli* in publicum emisi: in qua hujus valvulæ veram existentiam atque constitutionem contra *Clar. Bianchi* dissertationem, qua eam impugnare & proscribere voluit, multis argumentis probavi, figurisque novis ob oculos posui. (d) Auctor:

Huc etiam referenda sæpius jam nominati *Palsyn-*
Jo. PALSYNI Anatomia Chirurgica corporis
bu-

(a) Halæ Magdeburgicæ. 4.

(b) Hamburgi. 8.

(c) Hannoveræ 8.

(d) Altorf. Noricor. 4.

humani, lingua Belgica in Hollandia ab ipso edita, (a) in qua cōpendiū Anatomies exhibet.

Vogli.

Neque omittenda *Jo. Hyacintbi VOGLI de Antropogenia* dissertatio Anatomico-physica, qua *ova viviparorum* refellere conatur, & ex prolongatione substantiæ uterinæ generationem explicandam esse contendit. (b)

An. 1719.

Morgagnus.

An. 1719. Anatomicis rursus illustrem reddidit Clariss. *MORGAGNUS*: dum tandem desideratissima etiam *sua Adversaria Anatomica quarta, quinta & sexta*, sive ultima, eodē nitore atque eruditione, uti priora, in manus hominum dedit, atq; sic totum illud opus ad umbilicum deduxit. In ultimis his reliquos a *Mangeto* in Theatro Anatomico commissos errores eadem accuratione atq; elegantia, ut in prioribus, emendavit, omissa supplevit, additis simul variis elegantibus figuris novis. Recudi simul curavit hac occasione *Adversaria sua prima*, nō amplius in officinis librariis prostantia, quæ non solū ipse denuo recēfuit, sed & notulis pluribus auxit, ut sic omnia sex *Adversaria* simul una cum indice egregio haberi queant. Continentur etiam in *Adversariis quintis duæ doctissima Lancisii Dissertationes Anatomica*, altera *de Gangliis nervorum*, egregiis iconibus illustratæ. Totum vero opus horū sex *Adversariorum Anatomicorū Morgagni* inventis, monitis utilissimis, atq; innumeris observationibus raris pariter atque curiosis ita refertū est, ut universa humani corporis Anatomie, & subinde etiam res Medica atque Chirurgica egregie iis illustrentur. (c)

Cu-

(a) Heelkonstige Ontleding van's menschlichen lichaam, door Jan Palsyn. 8. Leyden. 1718.

(b) Bononiæ. 4. Par. I. & II.

(c) Impressa Patavii. 4.

Curiosissimus & oculatissimus, ut vulgo A Leeu-
appellatur, *Antonius a LEEUVVENHOECK* vvenho-
hoc quoq; anno rursus novas *epistolas Physio-* eck.
logicas edidit: in quibus variorum animalium
atq; plantarum fabricam & proprietates novis
experimētis, microscopiis maxime institutis,
more suo illustravit, incognita, varia detexit,
figurisq; æneis curiosorum oculis exposuit. (a)

In Gallia prodierunt *Observationes, ex om-* Anony-
nibus Physicæ partibus depromtæ, atque extra- mus.
ctæ ex optimis scriptis recentioribus: in qui-
bus omnis generis observationes & experi-
menta ex physica, chemia, *Anatomia*, bota-
nica & naturali historia continentur. [b]

Hermannus Fridericus TEICHMEYERUS, Teich-
Professor Jenensis, *Elementa Anthropologiae* meyerus:
hoc anno quoq; imprimi curavit: in quibus,
præter alia experimenta anatomica, in vitu-
lis *officulum auditus*, illudque speciatim in-
ter mallei & incudis juncturam, a se primum
observatum, describit atque delineat. [c]

Daniel HOFFMANNUS, Tubingensis, Dan.
Annotationes sive Animadversiones edidit ad Hoff-
Hypothesès Goueyanas de generatione fœtus mannus.
ejusque partu: in quibus varias singulares opi-
niones *Govei*, dum putat, *ovula non in ovario*
fœcundari, sed in coitu aliæve titillatione ex
ovario ad uterum deferri, ibique demum a viro
fœcunda reddi, & similia, perstringit. [d] His
subjunxit experimenta multa physica, inter
quæ varia anatomica occurrunt.

Jo.

(a) Delphis. 4.

(b) *Observations sur toutes les parties de la*
Physique, extraites & recueillies des meilleurs Mé-
moires. à Paris. 12. 1719.

(c) Jenæ. 4.

(d) Francof. ad Mœnum, 8.

Pejerus :

Jo. Jacobus PEIERUS, Jo. Conradi filius, ob-
servationes cum eruditis communicavit ana-
tomicas, tam ex homine, quam ex animalibus
omnis generis petitas, in quibus multa cu-
riosa & ab aliis non notata occurrunt. [a]

Auctor.

Denique etiam hoc anno *Compendii mei a-*
natomici editio altera, priori longe auctior
atq; emendatior apparuit: in quo omnia nova
inventa, quæ ad meam cognitionem tunc
pervenerant, una cum meis observationibus
recensui, totamq; rem Anatomicam brevi ac
perspicua methodo, in usum maxime tyro-
num, exponere allaboravi. [b] Præterea &
Chirurgia mea, in qua variæ etiam res anato-
micæ occurrunt, Germanice prodiit. [c]

An. 1720.

Vaterus.

Neque in presenti hoc, quo nunc vivimus,
 anno 1720. scriptores Anatomici deficiunt:
 nam *Abrahamus VATERUS*, supra jam lau-
 datus, dissertationem emisit *de novo diverticu-*
culo bilis: in qua circa ingressum ductus cho-
lidochi in duodenum, novum hocce diverticu-
lum bilis, quod ibi, dum ductum pancreati-
cum per cholidochum, ligato orificio ipsorū
communi, cæra replere voluit, forte fortuna
observavit, descripsit: [d] consistens in anfra-
ctuosa cavitate intra tunicas duodeni, orificium
ductus cholidochi circulariter quasi ambiente; in
qua bilem non solum colligi, sed eandem
etiam ante infusionem in intestinum duode-
num cum succo pancreatico exquisite per-
misceri existimat. Fatetur tamen simul, se
hocce diverticulum non in omnibus reperis-
se ca-

(a) Lugd. Baravor. 8.

- (b) Altorfi & Noriberg. 3. cum figuris;

(c) Noribergæ. 4.

(d) Vitebergæ. 4.

se cadaveribus; id quod vero ob alias causas, sive culpa aliorum, in experimento hoc satis difficili instituendo, impedimentorum accidisse suspicatur. [a]

Deinde hoc anno *Martinus SCHURIGIUS*, Schurigi-
Physicus Dresdensis, *Spermatologiam*, sive *se-*
minis humani considerationem publici juris fecit: in qua, præter seminis naturam & examen

(a) Idem etiam *Vaterus*, dum hæc sub prælo sudabant, cum orbe erudito communicavit Programmas; in quo, ut titulus habet, *Novum ductum salivalem, eumque præcipuum in lingua excretorium glandula insignis ad latera lingua & sub eadem sita, itemque super radicem lingua, epiglottidem, circa glottidem, super arytanoides, usque intra oesophagum expansa, nunc demum in injectione detecta, luci exponit & demonstrat.* In hoc schediasmate evincere, figuraque illustrare suscipit, foramen illud, in parte superiori & posteriori linguæ humanæ sæpe occurrens, atque a *Collino*, Anglo (Anglice *Collins*) in Anatome sua, a *Morgagno* in Adversariis suis primis Anatomicis, atque a me in Compendii mei Anatomici editione altera delineatum, *verum esse ductum salivalem excretorium*, glandulosæ illius massæ, quæ circa radicem linguæ partesque ab ipso indicatas, observatur: glandulasque illas simul, in injectione distentas, delineat, unde salivalem laticem in os per hoc foramen, quod ipsi & *Collino* ductus communis salivaris esse videtur, infundi putat. An vero revera res ita se habeat, ulteriori inquisitione pluribusque experimentis opus esse existimo. Idem Vir doctissimus in eodem programme indicat, *se ductum excretorium in glandula thyroidea reperisse*, per quam totam glândulam flatu distenderit, glandulamque hanc ad salivales quoque pertinere docet. Antequam vero eum publice describat, accuratius ipsum prius examinandum secum constituit.

men, simul partiū genitalium viri, scroti, testium, vesicularum seminaliū & penis fabricā examinat: maxime vero opus generationis & varia huc pertinētia, raris & selectis observationibus, undiquaq; conquisitis, tradit. [a]

Auctor.

Ita & Tractatio mea de *Cataracta, Glaucomate & Amaurosi*, quæ anno 1713. primum prodierat, hoc anno recusa est; in qua, ut & reliquis meis duobus de eodem argumento scriptis, *Apologia* scilicet & *Vindiciis*, (quarum illa anno 1717. hæ vero anno 1719. prodierunt: [b] multę incisiones oculorum, maxime cataracta & glaucomate laborantium, describuntur, quibus non solum cataractæ & glaucomatis natura; verum etiam variæ res anatomicæ dubiæ, & controversiæ circa copiam humoris aquei, ejusque in oculo extensionem, itemq; circa verum humoris crystallini situm, hujusque non absolutam ad visum necessitatē, valde illustratur vel deciduntur, quæ ad morbos hos oculorū & intelligendos & sanandos non parum lucis afferre possunt.

Vallisnerius.

Præterea virum celeberrimum, *Antonium VALLISNERIUM*, Patavii in tractatu de *generatione* edendo occupatum esse, jam ab aliquo tempore intellexi, quemque propterea etiam nunc a prælo liberatum esse spero.

Valentini.

Ita etiam spes est, *Amphitheatrum anatomicum*, in quo edendo Celeb. *VALENTINI* jam diu occupatus est, quod *dissectiones animalium omnis generis* a variis egregiis Anatomicis peractas, cum figuris quā plurimis cōtinebit, hoc anno in lucem proditurum esse. (c)

De

(a) Francofurti ad Mœnum. 4.

(b) Altorfii. 8. ubi omnes hi tres libri impressi sūt.

(c) Dum hæc prælo subjiciuntur, opus hoc absolutū ad manus meas pervenit, impressū Gieslæ,

prostatq; Francofurti 1720. fol. Cui etiam, ut titulus docet, accedunt *methodus secandi cadavera, cū encheirifibus vasa sanguifera & lymphatica replendi, methodus dealbandi ossa, & manuscripta Anatomica Rædiana*, quæ discipulis suis olim, cū Amstelodami adhuc Anatomen doceret, magno satis pretio describenda dedit: quæ vero valde imperfecta atq; indigesta reliquit, ut rerū gnari facile perspicient.

Ita & RUYSCHII *Adversariorum Anatomico-Medico-Chirurgicorum* decas II. hoc tempore prodit: in qua elegantissime delineat atque describit *vasa sanguifera in acetabulo coxa*, ut & ea, quæ *per patellam*, huicque vicinas partes, atque *per cartilagineas mobiles* in genu distribuuntur: docetque, lubricam illam materiam, quæ in his juncturis pro mobilitate ossium reperitur, non ex peculiari-bus glandulis, quas cum *Havero mucilaginosas*, vulgo vocant, sed ex mirabili illa vasculorum congerie, quam nuper invenit, & hic indicavit provenire atque secerni. Præterea *mirabilem vasorum per sternum, costas, pleuram atque mesenterium* distributionem, ut & *papillas cutaneas*, figuris novis exprimi curavit, aliaque curiosa descripsit. Interea etiam *Christophorus Helvvich*, Medicus Erfur-tensis, librum anatomicum, Germanico sermone, evulgavit, cui inscriptionem latinam dedit, *Nosce te ipsum*, vel *Anatomicum vivum*, sive, ut Germanice hoc exponit, *breve at accuratum opus Anatomicum, in quo integra Anatome, una cum ipsius divisione perspicue traditur, omnibus lectu utile atque jucundum* &c. Tabulæ æneæ adjectæ sunt quatuor, ad modum Catoptri microcosmici *Joannis Remmelini*: unde etiam figuræ pleræq; desumptæ, at inverso subinde modo repræsentatæ: quasi verbi gr. hepar sinistrâ, lien vero dextram abdominis partē occupet, ut in venæ portæ delineatione & alibi videre licet. Impressum est Frâcofurti & Lipsiæ in f. 1720.

Germanica, cum in novo systemate *de mechanica musculorum structura* occupatum esse; in quo ipsum multa daturum esse nova, quæ ope microscopiorum & injectionum circa musculorum fabricam detexerit, nunciant.

Lancisius. Denique etiam a *Clariss. MORGAGNIO* mihi relatum est, Ampl. *Lancisi* Tractatum *de motu cordis & aneurismatibus*, tamdiu ab eruditis desideratum, & in quo concinnando doctissimus Autor multum desudavit, à *Clariss. Assalto*, cui *Lancisius* hanc curam commisit, Romæ brevi editum iri; in quo omnes, quibus ingenium & iudicium Autoris non incognitum est, multa nova eaque eruditissima expectant.

**Historia
Academ.
Paris.**

Neque silentio hic prætermittenda *HISTORIA ACADEMIÆ REGIÆ SCIENTIARUM PARISIENSIS*; quæ per totum hoc seculum usque ad annum 1717 quantum mihi constat, singulis annis Actorum suorum volumen emisit: in quibus ferè omnibus observationes novæ anatomicæ notatu dignissimæ continentur. [a]

**Societas
Regia
Angli-
ca.**

Ita & *REGIA SOCIETAS ANGLICA* NA hoc seculo quandoque Acta quædam, quamvis non adeo multa, *Transactionum* nomine evulgavit: in quibus etiam variæ observationes anatomicæ occurrunt. [b]

**Ephemerides
Germanorum.**

Ab anno quoque 1712. *SOCIETAS NATURÆ CURIOSORUM* in Germaniæ incepit rursus novas edere *Ephemerides*: atque ab illo tempore octo jam edidit centurias

(a) Parisiis in 4. quæ vero Amstelodami recuduntur in forma 12.

(b) Londini 4.

rias observationum, cum prolaxis sæpe appendicibus, quatuor tomis comprehensas: in quibus omnis generis observationes anatomicæ, imo integræ etiam dissertationes argumenti anatomici occurrunt. [a]

Acta
Medico-
rum Be-
rolinen-
sium.

Præterea ante aliquot annos inceperunt edere *ACTA MEDICORUM BEROLINENSIIUM*, eorumque jam sex ediderunt volumina, in quibus, præter alias res medicas utilissimas, etiam variæ *observationes anatomicæ*, ex cadaverum morbosorum incisionibus maxima ex parte desunt, recensentur. [b]

In *Exercitationum Francofurtensium* tomo primo continetur observatio *GOELICKII* de ovo muliebri maturo in ovario dextro infanticidæ reperto; (c) quod vero, an verum ovulum imprægnatum fuerit, mihi nondum adeo planum aut perspicuum esse videtur.

Exerci-
tationes
Franco-
furtenses

Sunt etiam nonnulli scriptores, qui sine anno impressionis indicato apparuerunt, & tamen hoc seculo prodiisse videntur. Exempli loco adducam *Guilielmi READ*, Ocularii Angli, *Tractatum de morbis oculorum*, Anglice conscriptum: in quo annus impressionis quidem non additus est, liber tamen novus videtur, atque etiam oculi descriptio anatomica in eo continetur. (d)

Read.

Deniq; etiam hoc seculo exercitatissimus

E , quon-

Covope-
rus;

(a) Norimbergæ 4.

(b) Berolini 8. Ab eo tempore jam septimum volumen apparuit.

(c) Francofurti ad Viadr. 8.

(d) A Short but exact Account of all the diseases incident to the Eyes, by William Read, Her Majestys Oculist. 8. London. The second Edition, corrected.

quondam anatomicus Anglus, *Guilielmus COVUPERUS*, magnas elegantissimæque tabulas æneas pro nova atque exactissima *myographia*, magna cura exaravit: qui vero morte præventus eas edere non potuit. Coram tamen illustris *Sloane* jam ante decennium, cum ipsum Londini salutarem, me certiore fecit, se eas possidere, una cum autographo autoris ad prelum parato, easque se brevediturum esse: quod tamen hæcenus, magno rei anatomicæ detrimento, intermissum est.

Taceo jam *Dissertationes Academicas argumenti anatomici* quamplurimas quæ in Belgii & Germaniæ Academiis prodierunt, quia earum tot & tam multæ sunt, ut longiorem, quam nunc de scriptoribus reliquis anatomicis dixi, requirerent orationem, si eas omnes recensere vellem. Aliquot tamen, præter paucas jam hinc inde indicatas, silentio prorsus præterire nequeo: nimirum eam primo quæ Lugduni Batavorum Anno 1706. sub Præsidio *BIDLOI* de organo *chylifero* edita est a *Petro Evertze*, annoque 1708. recusa: in qua nova ductus thoracici, sicuti illo anno a *Bidloo* in cadavere feminino, laqueo necato, repertus fuerat, delineatio atque descriptio sistitur.

Bidloo
& Verheyem.

Ibidem *Evertze* Anno 1708. pro gradu Doctoris dissertationem evulgavit de *glandula thyroidea*, in qua non solum tres figuras novas de hac glandula dedit, verum eam etiam pro parte primaria in angina affecta habendam esse contendit.

Eodem loco, anno 1706. sub ejusdem *Bidloi* præsidio edidit *Exercitationem anatomicam*

cam de *Thymo* Guiliel. Henr. *Mullerus*, Sylva Duco-Brabantus, in qua ex *Verheyeni* Anatomia caput de *thymo* acriter perstringitur. Cui vero illo adhuc anno *Verheyenus* responsionem opposuit, Lovanii impressam.

Contra hanc responsionem anno sequenti prædictus *Mullerus* Lugduni Batav. schediasma propalavit perquam acerbum, cujus titulus est, *VV-H. Mulleri Defensio Exercitationis suæ anatomicæ de Thymo*, qua Clar. *Verheyeni* in litteris ruditas, in *physicis ignorantia*, in *Anatomicis imperitia* &c. demonstrantur.

Huic Defensionì Lovanii mox duo scripta opposita sunt, quorum alterum inscribitur *Anatomia defensionis, quã pro sua exercitatione de Thymo contra Responsionem Clarissimi Verheyeni* edidit *Celeb. Bidloo*; alterum vero *Puerilitas & barbaries libelli Bidloiani, demonstrata*, per *J. G. Kerkberdere*, in quibus *Bidlous* acerbissime traductus est. At, quod maxime dolendum, ex tota hac tam acri controversia, nihil emolumenti in rem Anatomicam redundavit, nihilque melius, quam quod antea de *thymo* scivimus, repertum aut detectum est.

Anno 1707. *Joh. Ant. Dern* sub præsidio *Friderici HOFFMANNI* Halæ edidit Dissertationem, qua *Anatomes* in praxi Medica usum tuetur. Lipsiæ vero *Jac. Herm. Albrecht* Præsides *Polyc. Gottlieb. SCHACHERO*, Schacherus Professore Lipsiensi, dissertationē publicavit de *Anatomica præcipuarum partium administratione*: in qua præter alias administrationes egregias, singularis nova machina describitur, aëriq; incisâ exhibetur, cujus ope, antlia

Hofmannus;

Schacherus

pneumatica concurrente, vasa alicujus visceris cera aut argento vivo apte repleri possunt.

Porro Dissertatio à *Saltzmanno* Argentorati An. 1711. edita est, in qua *ductum thoracicum* ex homine delineavit, atque encheirisin descripsit, in quovis cadavere ductum thoracicum inveniendi. Deinde ea, quæ de *Mesenterio* ibidem sub præsidio *Henningeri* 1714. prodit: in qua quoque *nova delineatio hujus ductus*, quæ postea hinc in *Ephemerides Naturæ* curiosorum translata est, continetur.

Job Adolpb. VVEDELIUS, in programme de *valvula vene subclaviæ ductui thoracico imposita*, anno 1714. Jenæ impresso, contra vulgarem opinionem demonstrandum sibi sumsit, *valvulam* hanc non *inservire ductui thoracico*, ad sanguinis ingressum ex vena subclavia in hunc ductum impediendum, atque argumentis & experientia docet, hanc valvulam ad hunc usum factam non esse, neque ad hoc impediendum aptam natam esse; verum eam tantum cum valvula vicina opposita concurrere ad idem, quod valvulæ venarum alibi & per totum corpus præstant, agendum: nimirum, in auriculæ cordis contractione conjunctim claudant venæ subclaviæ cavitatem & sanguis per hanc viam retrocedat ad brachium. Ostendit vero simul, propter valvulas ipsius ductus thoracici ejusque contenta, sanguinem in hunc ductum ingredi non posse; adeoque *hanc valvulam ejusdem usum male hucusque consideratum fuisse*, demonstrat,

Slevogtius quoq; dissertationem Jenæ 1715. edidit qua *processus medullares cerebri multas ob rationes ex nervorum numero proscribendos esse*

esse vult. Porro Hafniæ anno 1717. sub Franci de Frankenaui præsidio Eduard Petrus VVium publicavit dissertationem de via alimentorum & chyli, in qua novam & mirabilem ductus thoracici ex homine delineationem sistit, quæ digna habita est, ut collectores Actorum Lipsiensium eam suis Actis insererent.

Francus;

Eodem anno Lipsiæ Job. Aug. RIVINUS, sub præsidio Augusti Quirini Rivini Patris, dissertationem inauguralem defendit, de auditus vitiis; in qua foramen tympani, quod Pater aliique nonnulli in membrana tympani adesse statuunt, & vulgo biatum Rivini appellant, figuris indicatur atque illustratur.

Rivinus

Simon Paulus HILSCHERUS observationes & meditationes medicas Jenæ an. 1719. circa opus generationis in fœminis edidit: in quibus eos, qui ovula mulierum non in ovario, sed in uterum jam delapsa, demum imprægnari existimant, impugnat. Deinde eorum sententiam, qui ovarium in orificio uteri novum statuunt, confutat; ac denique illos, qui tunicam allantoidem in foetu humano adesse contendunt, refellit.

Hilscerus.

Eodem etiam anno Job. Andreas SCHMIDIUS, extraordinarius jam in Academia hac nostra Professor, dissertationem epistolice Lugduni Batavorum conscripsit, de perioestio ossiculorum auditus ejusque vasculis, quæ figuris etiam adjectis illustravit, & simul processus Raviani in malleo delineationem exhibuit.

Schmidtus.

Denique scriptis his adhuc adjungimus Abrahami VATERI programma, quod anno superiori orationi inaugurali, de Anatomia

Vaterus.

mico acerbius castigato, præmisit: in quo de mechanismo, quo natura utitur in obturando foramine ovali, & ductu arterioso, conjecturas suas, occasione observationis anatomicae perquam curiosæ, exponit, figurisque elegantibus sententiam suam uberius declarat.

Ceterum, etiamsi forte non omnes scriptores anatomicos, aut etiam non omnia eorum scripta Vobis jam indicaverim, Auditores præstantissimi, nam quis est, cui omnia, omnibus in mundi regionibus prodeuntia, nota esse possunt? suspicor tamen, me tot vobis jam indicasse atque enarrasse, qui intra hos viginti sæculi hujus annos prodierunt, ut pauci forte vestrum tantum numerum tantamve copiam expectaverint; credoque, me iis recensendis Vos jam diutius, quam par est, detinuisse, & præsertim eos, qui suavissima historia litteraria minus delectantur.

Sed unicum modo membrum Orationis meæ nunc absolvi; progrediendum jam esset, ut etiam Vobis ipsa nova inventa, observationes præstantissimas, emendationes, & quæcumque ad incrementum nobilissimæ generique humano utilissima artis anatomica hoc sæculo præstita sunt, ordine recenseam. At cum temporis brevitatem, quod huic solenni actui destinatum est, nunc excludar, & hora prandii jam audita sit, animumque vestrum jam in patinis esse conspiciam, diutius vos jam remorari nolo, sed filum orationis meæ abrumpam, reliquumque alii occasione reservabo.

Interim tamen, antequam vos dimittam, Auditores suavissimi, mei adhuc est officii, ut præ omnibus **DEI IMMORTALIS** vene-

venerer providentiam atque directionem, qua me ex Academia Altorfina, cujus commodis per decennium fere invigilavi, huc in celebrem inclutamq; hanc *ACADEMIAM JULIAM*, tanquam terram mihi hucusque incognitam, ducere, feliciterque cum meis transferre voluit. Gratias ipsi pro hoc beneficio ago habeoque, quas animo concipere possum, maximas, supplicemque rogo, ut *SUPREMUM ILLUD NUMEN* meis laboribus & hic imposterum, sicut hactenus clementissime fecit, benedicat, ut cedant in sanctissimi Nominis sui Gloriam, in honorem & incrementum hujus Academiae, in multorum hominum salutem, atque in totius rei litterariae ac Medicæ utilitatem amplissimam.

POTENTISSIMIS vero jam atque SERENISSIMIS *almae hujus Academiae NUTRITORIBUS*, DOMINIS meis longe CLEMENTISSIMIS, & præsertim AUGUSTISSIMO nunc MAGNÆ BRITANNIÆ REGI GEORGIO I, celeberrimæ Juliae nostræ jam SUPREMO MAGNIFICENTISSIMOQUE DIRECTORI, humillimas, tantasque, quas mens concipere valet, persolvo gratias, quod me dignum judicaverint, ad *Medicinam* in IPSORUM illustri Academia & speciatim ad *Anatomen*, *Chirurgiam* atque *Physiologiam*, post tot celeberrimos viros, qui hoc munus ante me tanta cum laude & gloria hic gesserunt, publice docendam, meque propterea ex Academia Altorfina in hanc almam Musarum sedem, cum laudabili stipendio, atque aliis haud vulgaris clementiæ signis, gratiosissime

sime evocaverint. Profecto pro tanta *Clementia* atque *favore* nihil melius ipsis reddere possum, quam ut **DEUM T. O. M.** pro totius **AUGUSTÆ DOMUS BRUNSVICO-LUNEBURGENSIS** incolumitate, gloria, atque incremento ardentibus defatigem precibus, eumque supplex exorem, ut totam **SERENISSIMAM DOMUM**, & speciatim hodiernos **AUGUSTOS NUTRITORES, PRINCIPES** nostros longe **CLEMENTISSIMOS**, orbique verè a **DEO** datos, non solum pro bono hujus *Academiæ* ipsorumque regionum & subditorum, sed pro totius orbis terrarum, maxime vero *Europæ* tranquillitate, utilitate & flore quam diutissime conservet.

Ad Vos vero etiam me nunc converto, *Magnifice Academiæ Prorektor, Patresque Academiæ conscripti*, fautores atque amici maximopere colendi, quod me peregrinum, & antea ne de facie quidem cognitum, non solum in Collegium Vestrum lubentes recipere, sed etiam nunc tam diu sermoni meo benevolas aures præbere volueritis. **DEUS** Vos diu adhuc servet incolumes, pro utilitate atque incremento hujus *Academiæ* & totius rei litterariæ; **DEUS** Vos mihi servet amicos. Ego vero me semper ita erga vos gerere studebo, ut nullus jure de me conqueri possit, meque hic satis felicem prædicabo, si, licet ingenio & gloria Vos assequi non valeam, testis tamen & admirator saltem esse possim vestrarum virtutum atque meritorum.

Postremo, antequam sermonem hunc finiam, Vos adhuc alloquor, *Commilitones*

Carissimi, & quidem vos potissimum, qui
Arti Apollineæ, nobilissima Medicina, vos
consecrasti: dum vestrum præsertim in com-
modum hic sum vocatus atque constitutus,
nihil antiquius aut gloriosius habebo, nihil-
que majori cura agam, quam ut vobis mea
qualicunque opera & industria inserviam,
vestraque studia, quantum in me est, pro-
moveam. Omnem navabo operam, ut opti-
mis Scientiæ Medicæ præceptis vos gnaviter
imbuam, nihilque, quod mei est officii, &
vobis utile esse potest, intermittam, si mo-
do mea officia vobis grata esse intellexero.
Et licet, ut lubens fateor, reliquos hono-
ratissimos Collegas meos eruditione aliis-
que ingenii dotibus assequi non valeam,
hoc tamen Vobis promittam, me nulli se-
dulitate & fidelitate celsurum esse unquam.

Ceterum, quia auspicato faustoque omi-
ne accidit, ut hodie hic *Cadaver femininum*,
violenta morte peremptum, pro *Anatomia*
publica adventurum sit; hinc Vos omnes,
Auditores optimi, ea, qua par est, huma-
nitate atque observantia publice hic invito,
rogoque, ut frequenti confluxu primis meis
in hac Academia sectionibus & demonstra-
tionibus anatomicis cras & sequentibus die-
bus frequentes interesse, Numinisque supre-
mi sapientiam & potentiam & simul Vos-
met ipsos ex corporis humani mirabili fabri-
ca agnoscere admirarique velitis.

D. LAURENTII HEISTERI

*Anatom. Chirurg. ac Physiolog. Prof.
Acad. Casarea Curiosorum Regiaeque
Berolinensis Collegae.*

P R O G R A M M A

D E

I N V E N T I S

A N A T O M I C I S

H U J U S S E C U L I ,

Q U O

Initium Prælectionum suarum Publicarum
æque ac Privatarum ipsis Calendis
Julii Anni MDCCXX.

I N C H O A N D A R U M

P H I L I A T R I S I N D I C A T .



OSTQUAM per decennium hæc
nus in celeberrima Academia Al-
torfina Medicinam , & speciatim
Anatomen atque Chirurgiam ,
omni qua potui fide & industria docui , non
nisi DEI IMMORTALIS, fortis reliqua-
rumque rerum humanarum supremi arbi-
tri , nutu atque auspiciis factum esse, opinor,
quod

quod POTENTISSIMI SERENISSIMI-
QUE PRINCIPES AC NUTRITORES
Academiæ hujus Helmstadiensis *Clementissi-
mi atque Munificentissimi* me, e prisca mea
sede, in hanc illustrem Musarum sedem,
laudabili stipendio, aliisque insignis clemen-
tiæ ac favoris indiciis, gratiosissime evoca-
verint, atque munus Anatomen, Chirurgiam
& Physiologiam publice locoque ordinatio-
docendi, clementissime mihi demandave-
rint. Quapropter cum, consueta solenni ora-
tione auspiciandi causâ nuper præmissa, jam
munus illud mihi exordiendum sit, omnis
nunc mea cura est, ut sub auspiciis DIVINI
NUMINIS felix faustumque laborum præ-
lectionumque mearum fiat initium.

Quoniam vero Anatomica scientia, testi-
bus viris in arte Medica gravissimis, ipsaque
ratione adstipulante, fundamentum est pri-
marium, non modo Medicinæ in univer-
sum, verum speciatim earum Medicinæ par-
tium, quæ mihi docendæ commissæ sunt,
nimirum Chirurgiæ atque Physiologiæ: id-
circo ab initio præ ceteris operam dabo, ut
Anatomen, partem in genuina Medicina
atque Chirurgia faciendam exercendamque
adeo necessariam, iis, qui meæ informa-
tioni se hic tradituri sunt, optima maxime-
que perspicua methodo tradam, eaque ra-
tione certa ac solida Medicinæ fundamenta
ponam, animisque eorum infigam, quibus
reliquum Medicinæ ædificium recte felici-
terque superstruere atque imponere possint.

Verum enim vero, quoniam ars Anatomicæ
ita est comparata, ut a pauco tēpore mul-
tum vehementerque increverit, & quotidie
adhuc

adhuc ampla capiat incrementa, semperque in ea adhuc aliquid inveniendum, addendum atque emendandum sit, & iis, qui ad perfectam Anatomies scientiam acquirendam aspirant, necessum sit nosse, quænam & qualia incrementa hætenus facta sint, ut ea sciat, cognoscatque quæ jam detecta & cognita sunt, atque hoc partim ex bonis scriptoribus sive libris, partim exercitio usuque addiscendum sit; quapropter, quia nuper in oratione mea inaugurali, si forte non omnes, plerosque tamen certe scriptores Anatomicos, qui hoc in sæculo vel recens inclaruerunt, vel auctiores emendatioresque prodierunt, recensui, ita jam hac in lectionum mearum prolusione, *pleraque, si non omnia, inventa atque incrementa anatomica, quæ hoc in sæculo facta, & quæ nondum in oratione indicata sunt, paucis exhibere tentabo*; ut sic inde conspici possit, antecessores in hac arte non omnia nostro sæculo præripuisse, sed varia imo multa adhuc invenienda detegendaque superfuisse & adhuc hodie diligentibus corporis humani scrutatoribus superesse.

Ut vero ordinem quodammodo servem dicendorum, annorum rursus seriem aliquo modo, sicuti fere in oratione feci, sum observaturus, quæ inventa atque incrementa publice innotuerunt: quem tamen hic ordinem ob affinitatem argumenti auctorem eundem, aliaque ob rationes interrumpere quandoque non verebor. Primū igitur locum eumque jure ac merito hic rursus tribuo illustri *Inventa.* RUYSCHIO meo, qui in *Epistolis, Thesauris* atque *Adversariis* suis Anatomicis tā multa
nova

nova inventa, mirabilibus suis injectionibus ceraceis maxima ex parte detectis, descripsit & delineavit, ut certe ex hoc uno, si modo indicem rerum detectarum exhibere vellem, tantam copiam recensere possem, quæ facile aliquot folia expletura esset. Sed nonnulla tantum hic indicasse sufficit, cum scripta ipsius, ut & mirabile ejus præparandi artificium, partiumque intimorum scrutandi solertia atque felicitas neminem hodie, nisi in historia litteraria ac præsertim Anatomica hospites, fugere possint. *Vasa itaque pleura, lingua, membranarum cerebri, cordis, placenta & uterina, oculorum, omenti, ventriculi, intestinorum hepatis, lienis, renum, nasi interni aliarumque partium, hic in suis observationibus, epistolis & thesauris vel antea prorsus ignota patefecit, vel tamen longe melius delineavit & descripsit, quam alii ante ipsum: unde de structura, actione, usu & morbis harum partium prudentioribus longe clarior oritur idea atque cognitio. Structuram oculi, mammae & penis ex balena, animali maximo, primus, quantum novi, & descripsit & delineavit: eoque ipso has corporis nostri partes egregie illustravit. Quis unquam accuratius ortum hominis ex minimo principio per diversos accretionis & incrementi gradus figuris nobis exhibuit & descripsit, foetusque minimi mirabiles in utero metamorphoses eleganter ob oculos posuit, quam Ruyschius hic noster in Thesauro suo sexto id præstitit? ubi profecto summe mirabilia occurrunt. Ita & hic duplici exemplo (raro alias experimento) ex mulieribus, in coitu occisis, comprobavit, semen virile non solum vaginam, non solum uterum, ut multi*

multi sustinent, sed ipsas tubas Fallopianas fervente venere ingredi, atque sic etiam ex his facile ad ovaria mulierum pervenire posse, pro ovulis ipsorum fecundandis. *Ligamentum patellæ* nunquam antea tam bene fuit exhibitum, quam ab hoc in thesauro suo septimo; sicut & *porosa intestinorum substantia* (ut multa alia taceam) qua & chyli ingressus ex his in vasa, & secretiones in intestinis contingentes illustrantur, nusquam melius repræsentata atque indicata est.

Cypriani. Primo præterea anno hujus seculi *Abrahamus CYPRIANUS*, quomodo factum, in tuba Fallopii per XXI. menses detentum, detexerit, matreque vivente & superstite extraxerit, descripsit: qua observatione eorum sententia, qui, foetum in ovario habere suum initium, sicut in oviparis, & per tubam Fallopianam ad uterum descendere statuunt, egregie comprobatur, contrariumque vero sentientium opinio refellitur.

Ammanni. Ita & in seculi hujus principio *AMMANNUS* in dissertatione sua de loquela, *instrumenta loquela*, eorumque functiones & usus longe accuratius investigavit atque exposuit, quam antea unquam ab aliis factum est. Hunc deinde post aliquot annos

Dodartii. in Gallia secutus est *DODARTIUS*, qui in historia Academiae Regiae scientiarum de formatione vocis, & laryngis atque asperæ arteriæ in loquela formanda actione, itemque de similitudine sive analogia harum partium cum organo pneumatico perquam eleganter disseruit.

Meryus. Porro *MERYUS* descriptione anatomica
loci

loci & partium, ubi celebris quidam in Gallia Monachus & lithotomus, quem Galli *Frere Jacques* appellarunt, itemque dissectione cadaverum a Monacho hoc interfectorum, docuit meliorem methodum secandi calculum: sic, ut sine læsione musculorum penis, urethræ & vasorum majorum, verbo, securius & levioribus symptomatibus e vesica ille excidi queat. Invenit simul *Meryus peculiarem fabricam & mirabilem circulum sanguinis in corde testudinis*, in qua hic circulus alio eoque inverso modo per cor contingit, quam in homine; & sicuti in hoc ceterisque plurimis animalibus sanguis ex dextra cordis parte ad sinistram transit, ita ex adverso in hoc animali ex sinistra ad dextram, eum mirabili modo moveri demonstravit: id quod multis curiosorum meditationibus atq; disquisitionibus ansam præbuit, structuramque singularem hanc cordis in testudine non solum terrestri vulgari, sed & magna Americana, imo marina etiam patefecit. Verum applicatio hujus fabricæ & circuli peculiaris sanguinis ad foetum humanum, quem *Meryus* inde evincere annisus est, apud paucos hætenus applausum invenit. Ceterum etiam *glandulas in duræ matris sinu longitudinali*, quas aliquot annis post *Pacchionus* peculiari dissertatione prolixius descripsit atque delineavit, primus in Historia Academiæ Regiæ Parisinæ indicavit, ibidemque etiam experimentis ostendere voluit, *urinam potius non per vasa lactea & sanguinis viam ordinariam ad renes atque vesicam pervenire*; verum eam per ventriculi & intestinorum tunicas in abdomen transfudare, depluere in hujus

ius pelvim, & per insensibilia vesicæ foramina, foras introspectantia, vesicam intrare: quam quoque sententiam postea *Francus de Frankenau* in *diapedesi* sua restituta amplexus uberiusque exponere annisus est. In *iride oculi* glandulas pro humoris aquei secretionem se observasse scribit: quastamen neque alii egregii Anatomici, neque ego unquam videre aut observare potuimus.

Tauvry. *TAUVRYS* in tractatu de fœtus generatione, inter alia accuratam tradit descriptionem partium genitalium ex testudine femina: quæ, licet ova pariat, partes tamen habet genitales, partibus genitalibus canis vel felis non abssimiles: unde magnum argumentum petit pro generatione ex ovo, quam varii haud pridem, præsertim in Gallia, negare & impugnare sibi sumferunt. Eleganter præterea explicat ovuli fœcundati egressum ex ovario, casumque fœtus extra uterum in abdomine geniti, non utero, sed aliis ventris partibus alligati, aliasque observationes curiosas quamplurimas recenset.

Ravii: *RAVIUS* duplicaturam septi scroti & quomodo scrotum in duos distinctos quasi sacculos dividi queat, primus demonstravit atque delineavit, qui & novam mallei apophysin in organo auditus invenit.

Tyson. *Edwardus TYSON* elegantissimas pygmaei delineationes & descriptiones anatomicas dedit, præsertim vero musculorum, ossium, viscerum abdominis, partium genitalium, pulmonis, cordis, & cerebri hujus animalis icones exhibuit.

Buissiere. *BUISSIERIUS* triplicem in homine vidit

vidit vesicam, quæ in Actis Anglicanis & inde in Actis quoque Eruditorum Lipsiensibus delineata est.

Guilielmus MUSGRAVE experimenta nova, iisdem in Actis Anglicanis descripsit, quomodo liquor cœruleus ad vasa lactea transmitti possit. (a) Musgrave.

COVPERUS novas glandulas urethræ invenit, quæ pro ea lubricanda maxime inserviunt, & in quibus gonorrhoea sæpe sedem suam figit. Idem modum descripsit in Actis Anglicanis, Anno 1702. quo sanguis ex arteriis in venas moveri per microscopia, in quadrupedibus vivis visus fuerit; & quod cera ex arteria pulmonali in venam pulmonalem, ex arteria lienari in venam hujus nominis, & ex arteria penis in venas ejus impelli possit. Unde constare concludit, extrema horum vasorum ampliora esse, quam in aliis plerisque partibus, ubi hæc tam facile non contingunt; ex quibus varia, quæ actionem & usum harum partium illustrent, depromi possunt. Ab eodem Anatome exhibetur earum *Marsupialis Americani* maris (animalis cujusdam) partium, quæ a feminæ partibus discrepant. Conf. Act. Erud. Anno 1704. pag. 21. & Anno 1705. pag. 110. Ejusdem *pulmonis ranae* microscopio inspecti examen in Actis Anglicanis Anno 1703. sistitur: (videantur Acta Eruditor. Lipsiens. Anno 1705. pag. 211.) ubi & *RIDLEYUS* experimentum Anatomicum proponit, ad veram duræ matris motus causam detegendam, (vid. Acta Erud. Anno F 1705.

(a) Videri quoque hæc possunt in Actis Erud. Lip. Anno 1703. pag. 131.

Ridley.

1707. pag. 215.) quam non duræ matris, sicuti nonnulli Itali voluerunt, vi contractili, sed pulsui tantum arteriarum adscribit.

Bartholini.

BARTHOLINUS in *specimine Historia Anatomica* varias exhibet observationes & figuras novas Anatomicas; & inter has nominatim de modo agit singulari, quo peritonæum viscera abdominis ambit: præterea de *ductu salivæ glandula sublingualis*, (cujus inventionem plerique quidem huic, *Bartholino*, multi vero hand inique *Rivino* Lipsiensi tribuunt,) quem ante eum nemo delineavit; de nervis oculorum ad musciculum uvæ euntibus, de olfactus organo, diaphragmatis structura, musculis vertebralibus, ossiumque extendinibus musculorum compositione.

Palfini.

PALFINUS in *Osteologia* sua non solum varias observationes curiosas circa ossium generationem, nutritionem, fabricam &c. sistit; verum etiam novas atque elegantes quorundam ossium delineationes, præsertim *sinuum illorum in ossibus capitis*, ubi mucus læcernitur & coacervatur, exhibuit. Quæ vero in *Historia* duorum infantum monstrororum præstitit, in oratione jam indicavi.

Baglivii.

BAGLIVIVS *fibrarum structuram*, in tractatu *de fibra motrice*, eleganter exposuit easque maceratione in certis liquoribus & microscopii inspectione ex fibris innumeris aliis in fasciculum collectis componi observavit. Exhibuit quoque *Anatomen cordis testudinis, Tarantula*, aliaque jam in oratione indicata.

Pacchioni.

PACCHIONUS duræ matris musculosam fabricam nova eaque eleganti figura illustravit, ipsique admirandas vires in secretionem & motu

& motu spirituum sive liquidi nervosi, motu cordis aliisque actionibus, tam in statu naturali quam præternaturali adscribit: Idem etiam *glandulas duræ matris*, præsertim eas, quæ in sinu longitudinali observantur, primus, licet non invenisse, ut nonnulli putant, tamen delineasse videtur.

HOVIUS de *circulari humorum in oculo motu* accuratius differit, quam alii, variaque ab aliis circa oculos bestiarum quarundam neglecta, præsertim reticula vasculosa nova circa oculos earum occurrentia, (quæ tamen in homine, quem minus examinavit, aliter se habent) venarumque per oculos distributiones & describit & delineat.

Quænam *Job. Mauricius HOFFMAN-NUS*, Collega quondam noster Altorfii amicissimus, nova singularia in Anatome observavit, aut dubia & controversa sua experientia atque observationibus illustravit, Auctores Actorum Lipsiensium in recensione ipsius *Idea machinæ corporis humani* egregie indicarunt, ubi præcipua Anno 1707. pag 63. legi possunt.

SCHELHAMMERUS in *Analectis* suis, inter varias alias observationes, quas tradidit, ex primis fuit, qui cognovit, *non omnes secretiones humorum per glandulas fieri*, divisionemque glandularum in *conglobatas & conglomeratas* ineptam esse ostendit. Arterias & venas ex quatuor distinctis tunicis constare negat contra *Villisium & Verbeyen*: *Ossibus sensum* vindicat, sed obtusum; connexionem ossis sacri cum ossibus ilei *mobilem* esse, contra vulgare sententiam, docet: Processus *styloideos* ossis petrosi non semper adesse. Con-

Hovii.

J. M.
Hoff-
manni.

tractiones musculorum *corrugatione* fieri, sicut in lumbricis terrestribus, sustinet. *Ductum salivalem NucKii* non dari in homine. *Valvulam coli*, dudum ante *Bianchum*, valvulam non esse existimavit: *Vomitum* non fieri per musculos abdominis, contra *Tournefortium*, defendit. *Garvettum* perstringit, qui cor musculum esse negavit. Singularem descriptionem exhibet musculorum intercostalium, atque ex eorum fabrica deducit, quomodo costæ in inspiratione eis non solum *sursum*, sed & simul *extorsum* moveantur: id quod ab aliis neglectum esse conqueritur. *Diaphragma* in homine simplicem, non duplicem musculum esse vult. *Fibras musculares arteriis denegat*, hasque non vi musculosa, sed solum subsidentia, sive resiliendo, ut baculus aut arcus flexus contrahi. *Sanguinis turgescientiam* in viventibus magnam esse inde comprobatur, quia in mortuis omnis sanguis in venis reperitur, arteriæ vero vacuæ deprehenduntur. *Lienem* recte non in latere abdominis, ut vulgo docetur, sed ad dorsum, sub ventriculo, situm esse innuit. *Higbmorum* lienem bovis loco humani exhibuisse declarat. *Glandulas lienis* commentum esse perhibet. *Capsula Glissonii* fibras non circulares esse, sed longitudinales, ideoque eam arteriæ munere, ut multi perhibent, fungi non posse. *Ductum pancreaticum* in homine geminum reperit, sustinetque *bilarium* numero huic semper respondere. In *Pboca marina* lobos renum elegantissime occurrere annotavit. *Vim prolificam seminis virilis* non per tubas Fallopianas ad ovarium pervenire, sed per vias adhuc incogni-

gnitas, inde concludit, quia gravidæ factæ sunt tales, quibus vagina carnea substantia clausa fuit, aliæque quibus semen solum orificio vaginæ aspersum est. In suis *vasculosam testium substantiam* bene conspici posse annotavit. Arterias quasdam duræ matris in sinum longitudinalem desinere Vieussenium annotasse, sed causam ignorasse, ait: hoc vero propterea contingere, scite indicat, ut in plethoricis sanguis accedens copiosior & superfluous huc, tanquam in diverticulum, abeat, redeatque mox rursus ad cor; intacto cerebro, ne illud obruat, unde apoplexia facile excitaretur. *Sinum longitudinalem* inferiorem falcis cerebri sæpe deesse notavit, seque primum docuisse affirmat, auditum fieri per radios sonoros, sicuti visus per radios visivos, &c. Quæ prolixius paulo hic recensuimus, quia liber, nescio quo fâto, paucorum manibus versatur, & vix apud Bibliopolas reperiri potest.

VALSALVA in aure nova indicavit *Valsal-*
ria, & quidem inter alia glandulas sebæ *væ*.
ceas, glandulam tragi, veram meatus auditorii figuram & incessum, corpus reticulare glandularum ceruminosarum meatus auditorii, venas auris a peculiari vena occipitali oriundas, tubæ Eustachii conformationem legitimam, novam musculorum uvulæ ac pharyngis descriptionem & delineationem, cochleæ auris in duplicem scalam divisionem, nervi auditorii per quinque foramina ingressum in auris labyrinthum, zonas sonoras, &c. deinde etiam membranam tympani ruptam in integrum restitui posse sustinet, & foramen sive *hiatum*

in tympani membrana cum Rivino in fanis adesse statuit, per quem varia morbosa fluida excerni posse asseverat. Multas denique figuras novas nitidasque de his partibus exhibet.

Vieusse-
nii.

VIEUSSENIUS in *systemate novo vasorum*, novum plane systema eorundem exhibere voluit, ostendendo præcipue, omnes fibras carneas, vasaque lymphatica ab arteriis [non a venis] oriri, id quod variis peculiaribus encheirisis tentavit; quibus multa curiosa experimenta circa vasa uteri, ventriculi, cordis, mammarum, tunicarum, ductuum adiposorum, renum, aliarumque partium immiscuit. In *tractatu de aure*, quem prius, ut affirmat, non edidit, antequam millies aurē examinavit, multa nova inventa contineri, & ipse & *Diarium Euditorum Parisiense* asseverant: maximamque partem eorum, quæ *Valsalva* de aure nova scripsit, ille sibi vindicat. Figuras quoque, quas addidit, tam exactas esse, perhibet censor Parisiensis, ut nullæ iis equiparari queant. Ita & in *tractatu de corde*, scribit, illud hætenus parum cognitum fuisse; docet enim Autor in hoc libro inter arteriarum & venarū extrema nullos intercedere poros, ut plerique hucusque voluerunt; sed eas interventu vasculorum sive ductuum carneorum inter se communicare. Cor bis *sine pericardio* reperit. Venas quoque omnes externas inter se communicare ostendit; arterias cordis interiora parietum intrantes, nō habere venas socias, sed in ductulos carneos mutari, sanguinem in cava cordis, in ipsa cordis contractione, deponentes; fibras musculosas sive motrices cordis, ductus carneos
appel-

appellandas esse vult, eaque alium obtinere cursum indicat, quam hactenus creditum fuit. Præter duas arterias coronarias detexit adhuc aliam cordis arteriam, sed minorem, juxta has, quam *adiposam* appellat; quibus omnibus multas observationes curiosas interseruit. Postremo *viginti quatuor novas easque nitidas figuras* de corde in tractatu hoc exhibuit.

BECKERUS sectionibus Anatomicis observavit atque evicit, *submersus in aqua sine potu aquæ mori*; parumque vel nihil aquæ in ventriculo & pulmonibus submersorum reperiri, sed potius suffocatione mori: id quod & ego aliquoties in talibus cadaveribus vidi. Beckeri.

Anastomoses sive conjunctiones arteriarum ultimarum cum venis, variis experimentis roboravit FRANCUS DE FRANKENAU, sicut & *Diapedesis* sive transudationem humorum per vasa & membranas, quæ a multis negata fuerunt, peculiari dissertatione restituere contendit: in qua vero diapedesi stabilienda eousque procedit, ut potum per ventriculum & intestina transudare existimet cum Meryo in abdomen, & ex hoc in vesicam urinariam: cui tamen sententiæ ischuria aliorumque experimenta repugnare videntur. Franci.

Quæ COURTIALIUS circa ossa, nova hepatis vasa lymphatica, & infantem extra uterum repertum, observavit, jam in oratione dictum est. Courtia. lii.

BRISSÆUS atque ANTONIUS sectionibus oculorum cataracta laborantium invenerunt, morbum illum, quem pro cataracta habuerunt & agnoverunt omnes eruditissimi atque experientissimi Medici, *plerumque* Brissæi & Antonii.

in opacitate humoris crystallini, rarissime vero in pellicula sive membranoso corpore, in humore aqueogenito, consistere: id quod ego postea & multi alii egregii viri sectionibus similibus oculorum verum esse deprehendimus.

Morgagni.

MORGAGNUS in Adversariis suis primis anatomicis descripsit primum a se inventas *glandulas arytanoideas duas, glandulas epiglottidis, ligamenta epiglottidis lateralia, ligamenta labrorum*, terminos vero musculorum sterno-thyroidum & hyothyroidum, eorumque tendineas inscriptiones, observationes circa musculos uvulæ & pharyngis, *urethræ foramina & canaliculos, glandulas coronæ penis, nympharum, labrorum, nasi, palpebrarum, areolarum mammæ*, observationes circa vaginam uteri, rugas & glandulas ejus, &c. Taceo, quæ obioleta inventoribus suis restituit de laryngis ventriculis, ligamento penis suspensorio, corpusculis & fibris valvularum aortæ & arteriæ pulmonalis, itemque ea, quæ emendavit, aut aliter observavit, quam alii, ut de foramine ovali, glandulis oculorum, carunculis, punctis & ductibus lacrymalibus, cartilaginibus laryngis & asperæ arteriæ, hujusque glandulis, de glandula thyroidea, de musculis variis, hymene, ovariis & tubis Fallopiianis, de lacunis fossæ muliebris, fontibusque muci ad cervicem uteri, menstruum scaturigine &c. Ita & in Adversariis alteris, tertiis, quartis, quintis & sextis, Annis 1717. & 1719. editis, innumera ejusmodi pulcherrima inventa & observationes curiosas, easque accuratissimas tradit, & simul multos errores ab Anatomicis, maxime a

Man-

Mangeto in Theatro suo Anatomico commissos, indicat atque emendat; quæ vero omnia hic jam brevitatis causa non recensebo, quia præstat ea ex ipso Auctore petere, ubi ob elegantem sermonem & judicium subactissimum mira jucunditate legi, figuræque nitidissimæ inspicere possunt. Interea tamen nonnulla novorum, quæ primum in mentem venerunt, hic commemorabo. Et quidem *Nigredinem Æthiopum* partim in cuticula, partim in suprema cutis parte consistere observavit. *Musculum novum uvulae*, quem *azygon* vocat, invenit. *Cartilagine* mobiles *maxilla* inferioris & ossis tibiae primus delineavit. In intestino recto *valvulas semilunares* sæpe adesse observavit, quas & delineavit, quæ Sphincteris muneri succurrere possunt. In eodem recto ductus sæpe vidit stylium tenue admittentes, & in vesiculas desinentes, ex quibus liquorem exprimi posse docet. Variationes multas circa musculos, præsertim faciei & circa situm viscerum abdominis annotavit. *Coli valvulam* bene delineavit & contra *Bianchum* defendit. *Processum vermiformem coli* non pendulum, sed semper sursum erectum esse demonstrat; hinc potius eum crassi aliquid præbere vel infundere, quam ex iis aliquid accipere concludit. *Ligamenta coli* omnia in processu vermiformi desinere primus annotavit: id quod ob singularem eamque egregiam rationem fieri existimat. *Vias ab intestinis & ventriculo*, præter communes, ad *vesicam* dari nullas, ex ischuria a renum obstructione probat. *Prostatam* nimis magnâ ischuriæ lethalis vidit causam. *Novos musculos vesicae*, quod *Bianchi* de-

scribit

scripsit, non dari affirmat. *Elevator novus musculus ossis coccygis* ab eo describitur, quem actioni elevatorum ani succurrere sustinet. *Tertium foramen in capite gallinaginis urethræ* detexit, & *hymenis membranam* læpe vidit. *Vasa lymphatica* in utero muliebri se observasse scribit, quæ alias non nisi in bestiis visa sunt. *Pulmonem* non totam thoracis cavitatem implere, experimento, contra hucusque receptam sententiam demonstrare conatur, de *venæ azygos* natura & usu varia curiosa & nova apud ipsum reperiuntur. *Sinum longitudinalem inferiorem duræ matris* non semper adesse, ut alii crediderunt, & superiorem plerumque solum in lateralem dextrum, quartum vero in lateralem utpl. sinistrum desinere, observavit. Præterea *sinum novum*, a nemine adhuc descriptum, inferiori eminentiæ cruciformis parti ossis occipitis adhærentem annotavit, quam tamen quandoque deesse monet. *Rete mirabile* in homine existere confirmat, illud vero non tam ex plexu arteriarum & nervorum, ut vulgo perhibetur, constare, sed ex fibris tendineis, duræ matris fibris analogis, docet. Curiosum experimentum recenset, quo si oculus in tenebris singulari modo prematur, lucem apparere notavit: *Corpora quædam glandulosa* nasi ad utrumque septi narium latus, loco fere medio ab ipso deprehensa, & a nemine adhuc descripta, indicavit. *In glandulis sublingualibus* humanis se multoties comperisse scribit, complura utrinque vascula inter se parallela, quæ e latere earum exteriori, non antrorsum, sed in transversum recta gingivas versus tendebant, &
non

non magno a glandulis intervallo peculiarior quodque osculo hiabant, per quod sæpius tenuiores sctas immiserit, multaue alia similia, quæ rerum anatomicarum amatoribus non possunt esse ingrata.

NOVESIUS (vulgo *Desnoves*) metho- Noveſii:
dum invenit *cera omnes corporis partes internas externasque ita imitandi & fabricandi, ut naturalibus sint quam simillima*, summoque adstantium stupore jam Parisiis conspiciuntur, (a) quale quid nullus alius ante ipsum præstare potuit. Subtilissima etiam vasa corporis spiritu vini & cinnabari accuratissime replere novit. Singularem quoque & novum nervi auditorii reptatum sive distributionem per labyrinthum delineavit & descripsit ex communicatione alterius. Nemo vero, quantum novi, est qui eam ita videre vel reperire potuerit.

DRAKE multis novis figuris anthropo- Drakii :
logiam suam exornavit : & præter figuras optimas, quas & *Ridleys* de cerebro, & *Coruſperus* in variis scriptis, apud nos valde raris, dederunt, multas alias novas cum publico communicavit : ut de cuticula, situ viscerum abdominis, partibus genitalibus, corde & pulmonibus, arteria & vena pulmonali, nasi externi internique partibus, præsertim sinibus quibusdam cranii, organo auditus, & musculis corporis humani.

LEAL LEALIS unicum tantum esse ductum excretorium vesicularum feminalium Lealis :
in urethram scripsit & delineavit; ubi ego tamē haec tenus semper duplicem inveni. De-

inde

(a) Vid. Dan Hoffmanni Annotationes ad Hypotheses Goueyanas pag. 6. & seqq.

inde modum has vesiculas in cœcum quasi intestinulum eleganter dissolvendi docuit.

Eustachii.

BARTHOLOMÆI EUSTACHII figuræ de renibus & vena sine pari, hæctenus adeo raræ, nova editione Lugduno-Batava in manus hominum rursus pervenerunt. At *Lancisii* industriæ maxime debetur, quod tabulæ *Eustachii* anatomicæ, tam diu pro perditis habitæ, in lucem fuerint protractæ, doctissimæque ejus explicationibus illustratæ; in quibus multa reperiuntur, *Eustachio* jam ante sesquiseculum, & quod excedit, cognita, quæ recentiores pro suis ejusque novis habuerunt inventis. Apud nullum verò elegantior vasorum meseraicorum delineatio reperitur.

Lancisii.

LANCISIUS, in tractatu de mortibus subitaneis, varias recenset sectiones cadaverum subito defunctorum, & inter alias casum, ubi *venam cavam intra pericardium ruptam*, & simul *aneurysma arteriæ magnæ* in thorace invenit. In operibus suis *Genevæ* editis, novas figuras de cerebro dedit quinque elegantes, quibus sententiam suam de *sede animæ cogitantis, in corpore calloso*, illustrare intendit. In *Morgagni Adversariis Anatomicis* quintis duæ quoque doctissimæ *Lancisii* Dissertationes, altera de *vena sine pari*, altera de *gangliis nervorum*, reperiuntur; in quibus non solum horum structura & usus doctissime describuntur, verum etiam nitidissimis novis figuris illustrantur. Præsertim vero de *vena azygos* notavit in ejus sine singularem *sphincterem muscularem* & communicationem peculiarem cum trachea, illiusque scarificatione in loco dolente pleuritidem notham incantamenti instar tolli

tolli posse. *Ganglia nervorum* structuram obtinere *muscularem* ostendit, usumque eorum novum, ad moderandum augendumque motum liquidum nervosi, pro varia necessitatis exigentia, inde deducit. Veram quoque *nervi intercostalis originem* describit & progressum.

ALGHISIUS de partibus genitalibus, præsertim iis, quæ in calculi sectione rite notandæ sunt, itemque de renibus calculo attritis, novas elegantisque figuras dedit. Alghisii.

BIDLOUS in Exercitationibus suis anatomico-chirurgicis nervorum cavitates negat, hydatidum naturam, spinam bifidam, spinalem medullam esse nullo tectam, & exostoses varias exponit; at in opusculo quodam posthumo *variorum animalium oculos* describit ac figuris illustrat. Bidloi;

THEBESIUS novas *venas* in interiori cordis superficie detexit, sanguinem ex interiori cordis substantia in cava ejus revehentes; quarum orificia *Vieussens* antea pro ductibus carneis habuit, fermentum cordis, si Diis placet, in ventriculos ejus excernentibus. Thebesii.

ATERRANEO novæ *Convulperi glandulæ* ad urethram, foraminulaque & ductus a *Morgagno* primum descripta, novis experimentis & figuris illustrata sunt. Terranei.

VERHEYENUS in ultima editione *Anatomies* suæ nonnullos emendavit errores, quos in prioribus reliquerat, insimul varia nova multaſque novas figuras dedit, quæ in aliis deficient: sicuti hoc facile illis patere potest, qui priores cum posteriori editione conferrent: quæ augmenta propterea eo lubentius hic non prolixè recensimus, quo magis liber hic

hic omnium manibus teritur, paucaque allegasse sufficiat, quæ novitatem præ se ferunt: ut sunt *musculi supra & infra costales* ab ipso dicti, licet jam ab Eustachio delineati fuerint; *cartilagine nasæ* undecim ab ipso reperiæ, musculi sterni, triangulares vulgo dicti, divisio in varios musculos *sterno-costales*; refutatio *Vieußenii*, fibras musculares cordis, uteri, ventriculi aliarumque partium negantis, easque vasa *neuro-lymphatica* novo, at, me iudice, incongruo nomine appellantis; figuræ variæ novæ circa partes genitales utriusque *sexus*; *figuræ novæ de corde* ejusque orificiis internis venosis; item de *sinubus cerebri*, *naso*, *ductu lacrymali*, ossibus quibusdam & musculis, thymo, canali arterioso, aliæque.

Bianchi.

BLANCHUS in tractatu de hepate contra *Malpighium* ostendere laborat, *hepatis substantiam novæ esse glandulosam*, sed cum *Ruy-schbio* aliisque recentioribus eam vasculosam esse contendit, glandulasque ad secretionem in corpore non absolute esse necessarias. Idem etiam *novam ductuum lacrymalium descriptionem* atque delineationem exhibuit. In *Mangeti* Theatro Anatomico *Morgagnum* acriter aggressus est, *valvulam coli* negavit, atque simul novos vesicæ musculos ibidem delineavit; quæ vero omnia a *Morgagno* in *Adversariis* suis examinantur atque excutiuntur.

De la
Marche.

DE LA MARCHE, obstetrix Parisiensis, uteri duplicis rarissimi in femina quadam Parisiis reperti delineationem exhibet.

Vercel-
lonii.

VERCELLONIUS e glandulis thyroidea, jugularibus, bronchialibus, dorsalibus, aliisque ad sinistrum ventriculi orificium sitis, du-

ductus excretorios descripsit, in œsophagum desinentes, humoremque digestivum & singulares vermiculos in eum & ventriculum pro digestionem perficienda deponentes; quos vero nec ego, nec alii, quantum percipere potui, hæcenus observare potuerunt.

Jo. FANTONUS tamen, præter alias Fantoni. observationes curiosas, ductus ex glandula dorsali in canibus vidit, in quibus vermiculi hærebant. Præterea elegantissimam vasorum lacteorum per intestina agni distributionem annotavit; & vim musculosam duræ matri a *Pacchiono* adscriptam, non concedit. Venas uteri flatu in vaginam immisso distendi posse observavit, aliaque curiosa.

In *Jo. Baptista FANTONI*, Patris, observationibus occurrunt aneurysma aortæ paullo supra iliacas, auricula cordis ventriculo æqualis, cordis monstruosæ magnitudines, de hymenis existentia observationes, verus œsophagi transitus per diaphragma, observationes multæ de polypis, eorumque ope spiritus salis dissolutio, &c.

ANELLUS præter accuratam viarum lacrymalium descriptionem & methodum novam sanandi fistulas quasdam lacrymales, cognitioni fabricæ illarum superstructam, refert exemplum *fœtus nuper in cavitate abdominis reperti*, in quam ex ovario, ut credit, delapsus accrevit; qui verò è matre vivente exsectus est: & simul similes alias historias recenset. Anelli:

CHESELDENUS, Anglus; in *Anatomia* Cheselden, sua, Anglice conscripta, viginti tres novas tabulas æneas exhibet: e quibus præ reliquis notatu dignissimæ mihi videntur cordis & pulmonis vasa cera repleta, vasa lactea & du-

ductus thoracicus, sinus & arteriæ cerebri, arteriæ intestinorum; totius venę portę cera repletę pulcherrima delineatio; ductus hepatici & pororum biliariorum per totum hepar distributio, cera infarcta; partes urinę secretioni & generationi destinatę, vasaque cordis & hepatis ex foetu cera distenta; omnes ab aliis hæctenus visis figuris divertę.

Vallis-
nerii.

VALLISNERIUS anatome *Chamæleontis* longe superavit anatomicos Parisienses, nam non solum varios errores, quos hi quondam in anatome hujus animalis commiserunt, emendavit, verum & alia multa de eo scripsit accuratius, quam illi olim in dissectione & recensione singularis hujus animalis fecerunt; qua vero occasione simul diversa alia dissecuit animalia, aliquam cum chamæleonte affinitatem habentia, ut *lacertas* varias, *salamandras*, *ranas*, *bufones* & similia, in quibus singulis singularia quędam & ab aliis prætermissa annotavit. Detexit quoque *foraminula in aculeis scorpiorum*, novęque de *ovariis* & *generatione anguillarum* observationes exhibuit; ita & clavos aliasve res duras in ventriculo *Struthiocameli* crofa invenit, quo vim solvendi liquoris ventriculi comprobat.

Misti-
chelli.

MISTICHELLI deprehendisse contendit, *meninges, non cerebrum, spirituum* sive liquidi nervosi *secretionem perficere*, figuratęque elegantes de cerebro exhibuit.

Litterii.

LITTRIUS in nova urethrę descriptione novum muscolum urethram dilatantem & novam *urethraglandulam* descripsit, novam hernię speciem, ac renes vesiculosos observavit, foetum in ovario reperit, aliaque.

VVIN-

VVINSLOUS novam cordis in diversos **Vvinslois** musculos separationem, novamque valvulam circa cor invenisse dicitur.

Job. Contr. a BRUN ; liber Baro, novas figuras novaeque observationes de glandulis a **Brün** duodeni a se olim inventis dedit.

Scriptores Anatomicos ab *Hippocrate* ad **Douglas** *Harveum*, nemo melius recensuit, quam **DOUGLAS** in specimine Bibliographiæ anatomicæ: qui etiam multum præstitit in libro *Cheseldeni*, uti hic ipse in præfatione sua confitetur, multaque, ab aliis nondum dicta, in anatome comparativa hominis & quadrupedum, scripsit.

DIONIS non modo auxit atque emendavit suam anatomen editione ultima, verum novas quoque figuras & dissertationes de generatione, itemque de auricula cordis enormiter dilatata, aliaque auricula valde monstrosa addidit. Tacemus quæ observavit in hominibus morte subitanea defunctis. **Dionis**

GOVEUS (sive *Louis Leger de Gouey*) **Gouey**, varias singulares atque paradoxas sententias & observationes protulit, & inter has præcipue, quod *ovula mulierum jam in coitu per tubas Fallopianas uterum ingrederentur*, & non in ovario, verum in utero ipso a feminis virilis subtilioris parte imprægnarentur sive fœcundarentur; Nihil enim unquam de crassiori feminis materia uterum ingredi, quia ejus orificium semper exactissime clausum esset, contendit. Deinde se tetigisse atque examinasse mulierem gravidam, *quæ nullum habuerit orificium uteri internum*, & tamen feliciter pepererit: ubi existimat, uterum partus demum tempore pro

foetus transitu ruptum fuisse. Postea ex tumore in inguine foetus virum longitudinem dimidii pedis se excidisse affirmat; quæ valde exiguum per annulū musculorum abdominis ex abdomine eo delatum esse contendit. Porro se observasse docet, mulieres non solum in æstu aut pruritu venereo, (a) a cogitationibus tantum venereis vel alia re excitato; verum etiam in menstruorum fluxu ovula sæpe per uterū excernere, & quæ sūt similia. Annotationes vero medicas ad hypothesēs has Goueyanas scripsit superiori anno Daniel HOFFMANNUS Tubingensis, in quibus haud sine ratione variæ illius assertiones & hypothesēs in dubium vocantur, infringuntur, aliæq; ad veritatis lancem examinantur. In ossibus etiam & musculis, eisque præsertim, qui caput movent, varia nova se invenisse credit Goueyus; gibbumque non tam ab ossium vitio, quam a musculorum abdominis contractione sive spasmo inductum se sectione observasse scribit. Recte negat omnia cranii ossa diploen ubique continere, cum hæc variis in locis deficiat. Male vero ipsum sustinere puto, quod ossicula auditus periostio destituantur, & quod per foramina ossis sacri posteriora magni nervi a spinalis medullæ extremitate egrediantur, aliaque similia.

Mangeti. *MANGETUS* in amplo & splendido suo theatro anatomico multa quidem promisit, sed vel nihil, quantum ego observare potui, vel parum saltem pro mole libri novi dedit, imo
potius

(a) *Bergerus* quoque a solo æstu venereo ovula ex ovario expelli, citra concursum seminis virilis, & foecundationem non in ovario, sed in utero fieri, jam sustinuit, *Physiolog.* pag. 465.

functis ; verum & in variis animalibus, canē,
fele, lepore, mure, talpa, vulpe, mustelā,
marte, erinaceo, fœtu ovillo, vespertilione,
porcello, equo, ove, vipera, cornice, cor-
vo, fulica, falcone, oculo anserino, noctua
&c. sectionibus observaverit.

NABOTHUS [a] & *Frid. HOFFMAN-* Nabothi
NUS [b] ovarium novum in cervice uteri & Hoff-
constituunt : quibus tamen *Gælicke* in Hi- manni ;
storia Anatomix, *Ettmullerus* in Epist. de
ovarionovo, *Novesius*, *Blegny*, *Henrici* in
dissert. de vesiculis feminalibus mulierum ;
Morgagnus, *Ruyschius* in Advesariis suis, alii-
que adversantur.

SLEVOGTIUS nervos olfactorios non es- Slevoꝝ
se nervos, sed cerebri emissaria, evincere tii.
contendit.

Jo. Adolpb. VVEDELIUS falsum valvulæ Vvedelii
ductui thoracico impositæ hactenus adscri-
ptum usum repudiavit, verumque indicavit.

TREVVIVS *Os sesamoidem* in externo Trevvii
femoris condylo, aliudque in digiti auricu-
laris primo articulo sæpe reperiundum deli-
neavit [c]

TEICHMEYERUS novum auditus officu- Teich-
lum, inter mallei & incudis juncturam, a se meijeri.
in vitulis sæpius observatum, descripsit.

VATERUS novum bilis diverticulum in Vateri
duodeno observavit, mechanisum, quo na-
tura in foramine ovali occludendo utitur,
exposuit, & novissime foramen quoddam
linguæ pro vero ductu salivali declaravit.

G 3 HI-

[a] In Dissertat. de sterilitate.

[b] In Medicina rationali systematica Tomi

I. pag. 342.

[c] In Dissert. Altorfi 1715. habita de chylosi &c.

Historia
Acade-
miæ Re-
giæ Pari-
sienfis.

*HISTORIA ACADEMIÆ REGIÆ PA-
RISIENSIS* hoc seculo multas observatio-
nes Anatomicas dedit: quarum præcipuæ
videntur eæ de corde testudinis, singulari-
que per illud circulo sanguinis, de foramine
ovali ejusque usu in fœtu, de ventriculo ca-
præ Lybicæ, aliorumque animalium non-
dum satis sectione cognitorum, ut de tigri-
dis, pellicani, aquilæ anatome; de dentibus;
de quibus ostendunt, eos in adultis non am-
plius crescere, sed tantum eorum crustam,
omnino a reliquo esse diversam; de fœtu in
ovario reperto, de glandulis in sinu longitu-
dinali a *Meryo* primum observatis; de stru-
ctura medullæ, hernia singulari, vocis for-
matione, vasis omphalo-mesentericis, de
ventriculi actione in vomitu, de partibus
generationi destinatis, urethra, ossibus mu-
lieris cera mollioribus, liene hominis petre-
facto, alioque in osseam substantia mutato,
de fœtu & secundinis, de mortibus subita-
neis, de viis urinæ & ventriculo ad vesicam,
de circulatione sanguinis in fœtu & piscibus,
de generatione hominis ex ovo, de calculis
in vesicæ parietibus & monstris variis; de
cerebro petrefacto, iri de oculi ejusque dila-
tatione & contractione, de renibus vesicu-
losis, de utero duplici in puella; observa-
tiones in oculis cataracta laborantibus; de
glandula pituitaria, de circulo sanguinis
inter matrem & fœtum, de limacum gene-
ratione, cordis structura, gonorrhœæ sede,
aneurysmate & glandulis; de primario visus
organo nervique optici structura; de placen-
ta & funiculo umbilicali; de tumoribus ven-
tosus, fœtu extra uterum genito, aliæque.

In

In *ACTIS ANGLICANIS* recensetur historia de vesica triplici, observatio de liquore cœruleo ad vasa lactea transmissio; de fractura colli femoris, pro luxatione antea habita, sectione deprehenta; de anatome linguæ avis cujusdam, quæ durissimas arbores perforare potest; de viribus cordis, & de organo auditus ex elephante &c. Ita & nova litteraria retulerunt, juvenem quendam Medicum in Anglia, cui nomen *S. André*, novam methodum reperisse, *vasa mercurio artificiosissime replendi, eum postea figendi, & denique colorem ipsi quemcunque pro lubitu conciliandi*: id quod, si ita se habet, revera curiosissimum & memoria dignissimum est.

Adori
Angli.
cor.

EPHEMERIDES NATURÆ CURIOSORUM non solum integras dissertationes anatomicas, sed etiam observationes haud minoris momenti, cum theoriam, tum praxin illustrantes dederunt, ex quibus quædam indicare sufficiat: ut de fractura spinæ dorsi admiranda, rene ingentis magnitudinis, testiculo olseo, unguibus monstrosis, ploratu fœtus in utero, lapide vesicæ baccis juniperi repleto, guttæ serene causis sectione observatis, caruncula urethræ, utero lapidibus referto, vesicæ defectu, hermaphroditis, dentibus, pulmonibus infantis, qui vixit, in aqua submersis; monstrosa penis magnitudine, anatome salacissimarum mulierum, venæ portæ ramis in cava intestinorum hiantibus, rhachitici anatome, de cataracta, anatome *Xyphie* piscis, item *Lumbi* & *Ophidii*, de glandulis duræ menyngis, ovario anguillarum, de intestini ilei invaginatione, lienibus e canibus

Ep heme-
rides Na-
turæ Cu-
rioso-
rum.

exemtis, seminis regressu ad sanguinem, dentium genesi, polypis, ranarum in pisces metamorphosi, tonsillis, monstris variis, uracho, modo inveniendi ductum thoracicum in homine, hepate vesicula fellea destituto, foetu in vesica urinaria contento, cerebelli structura, pyloro ventriculi, ciconiæ anatomie, tunica allantoide ejusque vasis, de vasis lacteis in intestinis crassis, fibris annularibus in ductu thoracico, de venæ umbilicalis vera insertione & canali venoso hepatis, valvulis gyrosis ductus hepatici, ossiculis sesamoideis, de calculis, variis in corporis partibus repertis, foetu cerebro carente, hymene, glandula thyroidea & bronchialibus, vena azygos, itemque dissectiones plurimæ cadaverum variis moribus defunctorum.

Auctoris. Quid ego in anatomie & compendio meo anatomico, tam in erroribus aliorum emendandis, quam in conquirendis & digerendis recentiorum inventis, (præter ea, quæ in aliis meis scriptis, & quæ cum Ephemeridibus Naturæ Curiosorum, variis annis, communicavi) præstiterim, quilibet ex lectione eius cognoscere potest, aptoque tempore in eo explicando Philiatris uberius constabit. Nonnullas tamen mearum observationum, ut historia incrementorum anatomicorum hic perfectior exhibeatur, nunc recensēbo.

Arteria aortæ quatuor ramos ascendentes, ex trunco seorsim prodeuntes, asservo: cum alias ordinarietantum tres sint. Processum mallei Ravianum, ut & minus ossiculum sesamoideum, condylo femoris interno quandoque insidens, primus, ni fallor, delineavi, structuramq; & situm pylori verum figuris exhibui.

bui. Præterea *vasa lactea mesenterii & intestinorum*, ex cada vere humano, ubi copiosissima aderant, delineanda curavi. *Ductus biliarii cystici valvulas spirales*, aliasque in eo occurrentes valvulas, sæpius a me visas, itemque ductum hepatis venosum ac *venam umbilicalem in sinum venæ portæ legitimam insertionem*, circa quam tam multi scriptores errarunt, figuris ostendi, & quomodo vere se habeant descripsi. Porro *vasa sanguifera*, quam copiosa, facta prius eorum argento vivo repletionem, per *tubas Fallopianas* distribuuntur, & quomodo horum vasorum consideratione functio illarum melius intelligi queat, exhibui. *Cerebelli humani* æque ac vitulini mirabilem pulcherrimamque *conformationem*, prout revera se habet, dum tam multi in ea delineanda hallucinati sunt, primus ob oculos posui.

Præterea *papillas linguæ*, gustus organum, ejusque *tunicam reticularem*, quam ab aliis recte delineatam non novi, figura illustravi. Deinde *veram humoris aquei per oculum distributionem*, verumque *crystallini situm*, circa quæ tot controversiæ, totque errores a plerisque anatomicis commissi fuerant, me docuisse figurisque recte ostendisse opinor. *Ligamenta duo penis lateralia*, ab aliis, quantum novi, non indicata, in omnibus cadaveribus virilibus, quæ ab aliquot annis examinavi, reperi. *Glandularum historiam*, & quid revera glandulæ sint, me haud parum illustrasse credo. *Uterum in parturiente sponse ruptum*, & foetus caput in abdomine offendi. *Vermes singulares in equis & columbis deprehendi*. Delineationem dedi, quomodo in
visulo

titulo bicipiti duæ linguæ atque duo cerebrâ conjuncta invenerim. In infante, qui ano clauso nascebatur, intestinum rectum definire vidi. *Cataracta lactea* quid sit, sectione inveni, reliquasque *cataractas* frequentius in crySTALLINI humoris opacitate, quam in membranoso corpore, multis superatis litibus, me evicisse arbitror. In amaurosi defuncto humorem vitreum dissolutum, & *Vasa lactea in crassis equi intestinis* reperi, ut & *fibras annulares in ejus ductu thoracico*. *Pancreas* in duobus melancholicis *scirrbosum* se nobis exhibuit. *Glandulas bronchiales*, nusquam naturali magnitudine antea exhibitas, una cum thyroidea & aspera arteria in *Ephem. Nat. Cur.* dedi. *Lumbricos intestina in puero perforasse*, & in abdomine hæsisse, conspexi. *Hymen* in puellis sæpius observavi, taleque admodum notabile ex puella XIII. annos nata delineatum, ut & singularem *Vena azygos constitutionem* iisdem in *Ephemeridibus* repræsentavi. Reliqua nunc prætermitto, alioque tempore exponam, jam enim, quia tempus calidissimum instat, sectionibus haud idoneum, præmissaque nuper anatome solenni, publice nunc hora III. pomeridiana *Physiologiam* exponere incipiam; privatim vero *Chirurgiam* explicabo: at opportuno tempore anatomica rursus tractabo, neque aliis in Medicinæ partibus *Philiatricis* deero, si meam modo industriam ipsis probatum iri intellexero.

A D D E N D A.

Oblitus fere essem libri anatomici singularis & novi, qui Hamburgi anno 1720 lucem aspexit, nimirum J. M. *GLUSINGII* Med. Doct. &, ut imaginis inscriptio fert, Archiatri Regis Polon. *Anatomia*, quam vocat *rationalem*, Germanica lingua conscripta, cui libro multas figuras anatomicas, partim ex *Verbeyeno* depromtas, partim vero novas easque valde mirabiles, tabulis æneis quinque admodum diversæ & inter has quasdam enormis magnitudinis, adjecit. In omnibus vero perquam singulares partium corporis humani delineationes, quæ autem cum natura earum mihi parum convenire videntur, vel quas ego forte satis intelligere non possum, occurrunt. Exaratæ sunt hæ tabulæ ab *H. de VVit*, *Mosco*, & hinc factum esse videtur, quod in prima tabula, præter latina vocabula, res repræsentatas indicantia sive explicantia, Moscovitica etiam sæpe adjecta sint. Maxime vero in tabula II. ubi animæ facultates & quinque sensus figuris exhibere satagit, tam mirificos nervorum ad organa sensuum progressus ac distributiones delineavit, ut, an alius hodie præstantissimorum anatomicorum simile quid observaverit, valde dubitem.

INDEX

AUCTORUM,

Qui hoc seculo vel scriptis vel inventis anatomicis inclaruerunt.

A

A Lghifius.	34.95
Ammannus.	13.80
Andry.	27
Anellus.	44.46.97
Anglicana Societas Religia.	41.64.105
Anonymus.	23. 30. 40. 57. 59
Antonius.	33.46.89
Auctor.	52. 55. 57. 60. 62. 106

Bergerus.	17
Berkeley.	35
Berolinensium Acta Medica.	65
Besse.	21
Bianchus.	37.48.97
Bidloo.	33.49.68.95
Bohnius.	38
Brendelius.	52
Brissæus.	36.89
Brœn.	22
Brunnerus five a Brun.	36.48.99
Brussierus.	82

B

B Aglivius.	20.25.84
Barchusen.	39
Barnabeus.	34
Bartholinus (Caspar)	18.84
Bartholdus.	53
Bayle.	19
Beckerus.	25.89
Bellinus.	40
Bellingerus.	54.101
Berenger.	19

C

C Amerarius.	43
Casseri.	31
Charriere.	23
Cheseldenius.	44.97
Clerc five le Clerc.	29
Cokburn.	51
Courtial.	26.89
Covvperus.	20.67.83
Covvard.	30
Cyprianus.	12.80

Da-

INDEX AUCTORUM.

S

S Alzmannus .	70
de Sandris .	42
Santorinus .	27
Saviard .	21
Schacherus .	69
Schelhammerus .	24.31 85.
Schmidius .	71
Schurigius .	62
Slevogtius .	70.103
Spenerus .	24
Sproegelius .	57
Stroem .	32

T

T Auvryus .	15.82
Teichmeyerus .	59.
103	
Terraneus .	35.95
Thebesius .	34.95
Trevvius .	103
Trichterius .	54
Tyson .	16

V

V Alentini .	20.41.45.
62	
Vallisnerius .	49.62.98
Valsalva .	25.87
Vaterus .	43.60.103
Venette .	22
Vercellonius .	40.97
Verduc .	41
Verheyen .	38.68.95
Vidussi .	54
Vieussens .	27.47.88
Vogli .	58

W

W Agret .	56
Vvaltherus .	50
Vvarliziuz .	12
Vvedelius .	70.103
Vvinslous .	99
Vvium .	71

Z

Z ittmannus .	30.
---------------	-----

F I N I S.







